

明治

日本政記

大正編次

第 八 冊

210.12

R15n



政 勇 四 号

第八十四世
元平八年

新編

明治日本政記卷之十一

中比号


石川縣 藏書 穆 編次

順德天皇


諱守成。後鳥羽帝第三子。母修明門院藤原氏左大臣範季女。在位

十一年改元三。曰建曆。建保承久。

帝即位於太政官廳。時年十四。關白家實如故。尊先帝曰太上天皇。初後鳥羽上皇深愛帝。故使先帝早遜位。自是稱後鳥羽上皇。曰本院決政。



210/2
R15m
0



1309

建曆元年辛未正月帝觀本院○以右大臣藤原

良輔兼實之子為左大臣內大臣藤原公繼實定之子為

右大臣權大納言藤原信清信隆之子為內大臣○

是歲詔召還僧源空及親鸞○二年頒新制二

十一條○建保元年癸丑初大將軍實朝承賴家

驕奢之餘又自飲宴耽溺歌詠不問府事由是

北條義時日益專橫將士憤怨焉○信濃人泉

親衡源經基子滿快之遠孫奉故將軍賴家少子千壽丸

起兵討北條氏和田義盛二子義直義重姪胤

和田義盛攻北條義時

長等應之義時遣兵執親衡親衡有勇力殺數

十人而逃千壽丸走京師義直等就虜是時義

盛在上總馳歸謁實朝叙己功勞請贖二子實

朝素親信義盛特聽之義盛又率族人乞赦胤

長義時素忌義盛強族欲激而除之乃使人縛

胤長故過義盛前而屬之吏放陸奧義盛慙恚

遂會宗黨謀滅北條氏分兵為三隊分攻義時

及大江廣元而急赴幕府欲取實朝時義時方

與客棋徐起更衣與廣元赴幕府義盛第三子

朝夷名
三郎

義秀朝夷名三郎排門而入所向皆破與足利義氏

鬪攫其鎧袖義氏鞭馬踰壕袖斷義秀奮擊府

兵皆披靡義時廣元擁實朝避兵火法華堂令

長子泰時率諸將防之義盛兵勢甚銳將士多

死傷泰時勵衆力戰義盛遂敗弁其七子皆死

和田義
盛敗死

獨義秀以五百人航海走安房後不知其所終或曰赴高麗

於是實朝論功分和田氏邑以賞將士泰時辭

曰義盛非素有反心獨恨臣父耳臣爲父擊仇

焉可受賞竟不受○二年和田義盛遺臣聚京

源千壽
丸自殺

師謀奉千壽丸舉兵事覺鎌倉兵士攻之黨與

散走千壽丸自殺○時本院憤源氏僭橫有討

伐之志置院西面土廣徵材武親鑄刀劍欲驕

實朝以斃之連進其官爵實朝不覺實朝亦怒

義時專恣而憂其族之日蹙欲飽取官職舉家

聲故每遇叙拜未嘗辭讓也○六年實朝累遷

至權大納言尋進左大將義時廣元等諫其滿

盈不聽○承久元年卯先是北條義時以政子

命迎故將軍賴家子公曉於京師以補鶴岡別

日本書紀卷之十一
當公曉常憤父遭害謂實朝父仇也竊謀報復至是實朝拜右大臣因行拜賀禮於鶴岡祠據例上夜將出大江廣元進謁不覺淚下曰是必有故請衷甲自備不聽實朝初使人梳髮拔髮一縷與之哂曰吾遺物也乃出公卿以下悉從義時侍捧劍焉卒稱病作授劍源仲章代己而自祠門退實朝乃屏隨兵獨仲章從禮畢下階公曉自階側跳出揮刀斬實朝及仲章持其首逃去時方闇黑內外騷擾衆索公曉不獲公曉

公曉弑
實朝

已走備中阿闍梨家飢而食手不釋首其弟子駒若三浦義村子也公曉意謂義村助己乃使人謂曰我當代爲將軍子爲我計之義村給曰請先入我家當以兵奉迎而告狀義時義時稱政子命使速殺之公曉年十九實朝年二十八及葬實朝求其首不獲乃以其髮代之自賴朝起至是凡三十三年。
賴襄曰北條義時之弑其君也假手於其君之從子而後誅從子脫賊名而取討賊之名以奪

君國。人莫敢議。自古弑君之陰狡巧黠。未有如
義時者也。蓋義時使人嗾公曉曰。今將軍者。子
父仇也。子伺其拜賀。刺而斃之。又賺之曰。苟能
斃將軍。則子者。故將軍之子也。可以代之。觀公
曉成事。報三浦義村。使迎己。而義村告之。義時
趣命殺之。滅其口。而可以見矣。而義村與其謀
者也。

山縣禎曰。殺賴家者。時政而非實朝。實朝未必
與知之。則不可以為父讎也。然縱逆臣而不誅

之。則是黨逆者也。公曉之怨之。亦不為無謂也。
但實朝者。繼父祖統。而主鎌倉者也。則不可以
私怨而殺之。獨誅北條可矣。況欲殺實朝。以代
其職。事出於私意。則於復讎之義。又益失矣。豈
陷乎義時之詐謀。而為此迷謬之舉乎。亦可憫
已。

實朝既薨。無子。賴朝之胤絕矣。初。政子詣熊野。
過京師。本院令前相國賴實妻勞之。政子與語。
曰。實朝若無子。敢請得一皇子。為鎌倉主。至是

義時迎藤原賴經於鎌倉

尼將軍

源賴茂火仁壽殿

第八十五世紀元五百八十八百

義時以其意與諸將連署乞擇本院皇子為將

軍本院不許曰是樹二主也左大臣道家賴朝

之姻親義時乃定議迎其子賴經於鎌倉時年

二歲政子聽斷庶務世稱曰尼將軍而賴朝之

業衰矣世稱賴朝賴家實朝曰三代將軍○大內守護源賴茂

賴政自以為源氏嫡宗因圖自立事覺遣官兵

討之賴茂入仁壽殿縱火自殺○二年造大內

○三年四月帝禪位於皇太子

九條廢帝

諱懷成順德帝第三子母東一條院藤原氏攝政良經女在位七上

八十一年

餘日

帝即位甫四歲太政大臣道家攝政上先帝

尊號太上天皇稱曰新院上皇曰中院以別

於本院本院決政

源氏之衰滅也本院自謂王綱可復而北條義

時擁異姓幼穉權勢不撓又與藤原公經相結

竊弄朝政本院彌惡焉○先是本院幸熊野仁

科盛遠攜兒伏謁路傍本院愛其兒擢為西面

盛遠感喜竟留京師義時怒其以關東家人恣

承久之亂

奉侍奪其食邑。朝旨還與之。義時不聽。本院嬖
妓龜菊食二莊。其地頭侮慢之。本院怒。令奪其
職。義時又不奉詔。本院怒。不自制。會三浦胤義
直衛京師。以妻故。憾義時。過期不還。本院令能
登守藤原秀康。就諭討義時。旨胤義奮曰。臣見
義村膽略絕人。若許以職。則必不肯辭。臣亦當
遺書勸誘。本院大喜。遂決策焉。○五月。本院託
城南流鏑馬。集山城大和等十四國兵。削奪義
時官爵。囚藤原公經于馬場殿。密遣藤原秀康

家童押松齋院宣。諭東國諸豪。特使三浦胤義
作書誘諭義村。義村以示義時。義時曰。吾夙知
有此事。殊恠其遲緩耳。因捕押松。奪院宣。燒之。
政子乃大會諸將士。簾中傳命曰。汝等苟不忘
故。右大將之恩。則協規同力。以全舊業。若欲應
院宣圖關東者。決之今日。諸將感激。皆願効死。
於是義時會議於家。三浦義村安達景盛等請
據足柄。函根待官軍。大江廣元曰。守嶮曠日。衆
心內變。不如直進兵犯京師也。義時從之。遂叛。

北條義時叛

日本後

卷之二十一

七

高宗皇帝

秦時諫曰。普天之下。莫非王土。我縱無罪。豈可
 抗天子。請束手乞降。幸而免死。則隱於山林。義
 時曰。汝言是也。然可用之。明時而不可施之。今
 世何者。朝綱方紊。亂庶民沈憂苦。故吾之此舉。
 不過欲為天下除患耳。遂部署諸將。自東海東
 山北陸三道竝進。秦時先發。已而單騎馳還。見
 義時曰。若車駕親征。則何以處之。義時默思良
 久。曰。天威不可犯。宜脫胄斷弦。委身下吏。若遇
 諸將。慶戰無遺焉。本院素有膂力。常願自負義

時放還。押松令奏曰。聞陛下好戰。臣使子弟。帥
 十九萬人。西上。陛下試觀其戰。若猶未饜。則臣
 請以二十萬人繼之。押松還報。且言東兵既發。
 矣。舉朝震駭。本院徐曰。東國豈無乘虛誅義時
 者乎。蓋待三浦義村內變也。乃部署諸軍。宮崎定範。仁科
 盛遠等。拒越中。藤原秀康。三浦胤義等。分諸將。
 為九隊。拒尾張美濃間。兵僅一萬七千餘人。與
 賊遇。皆敗。秀康等還。奏敗狀。中外失色。至是遣
 權大納言藤原忠信。前權中納言源有雅。參議

藤原範茂率秀康胤義佐佐木廣綱山田重忠等二萬五千騎分守宇治勢多及澗義時弟時房攻勢多重忠截橋力戰卻之秦時攻宇治有雅範茂等壓河而軍時六月雨集水漲撤橋連射賊兵多死秦時令芝田兼義等試水佐佐木信綱繼之其子重綱太年十五攀父馬尾泗而渡兵溺者八百秦時召其子時氏武藏太郎曰我衆將敗汝速渡時氏乃以六騎渡秦時亦將自渡春日貞幸扣馬止不聽貞幸給之曰甲者皆溺

宜釋甲秦時下馬釋甲貞幸牽馬而去不得渡兼義信綱等皆達岸進冒官軍殺傷相當賊毀民家結筏以濟軍秦時遂進官軍敗績藤原朝俊及鏡久綱八田知尚佐佐木氏綱等畱戰死之忠信拒澗亦爲三浦義村等所破秀康重忠胤義走歸奏事本院闔門不納使人謂曰卿等自此去重忠怒敲門罵曰懦主誤我遂走嵯峨自殺胤義等遁走秦時遂長驅入京師本院不知所出乃釋公經復義時官爵救於秦時曰此

舉皆謀臣所誤。唯汝論其罪。泰時下拜不答。與時房館于六波羅宮。崎定範之屯市振也。據險植柵。張弩山上。北條朝時夜收數十牛。縛炬其角。驅之而進。官軍以爲兵弩。發牛斃賊。乃從後破柵而入。定範不能支。走會仁科盛遠。守礪波山。與賊戰。遂敗。盛遠死之。朝時進會泰時于京師。於是賊軍填塞街衢。四出捕斬。胤義等尋自殺。泰時乃奏求官軍首謀者。本院以權中納言藤原光親。參議藤原信能等六人答。乃悉收之。

北條義時廢
帝遷三上皇

押送鎌倉。大江廣元引文治故事。以死論斬于途。獨權大納言藤原忠信。以與鎌倉有親。流於越後。○北條義時逼帝遜位。立高倉帝孫茂仁。陪臣廢立天子。天子前古所未有也。遷本院於隱岐。新院於佐渡。雅仁親王于但馬。賴仁親王於備前。中院獨不參軍謀。以故不問。然中院不欲獨留。因遷之土佐。陪臣放流天子亦前古所絕無也。

山縣禎曰。泰時之諫。義時義正而言切矣。然而不能反覆熟諫。以拯父於不義。舉兵犯關。亦何

能追其罪哉。及京師陷也。獨誅首謀者可矣。而遷三皇於遠嶋。不亦甚乎。

永井定宗曰。北條氏恣權蔑上之罪。舉兵討之。可也。雖然。當是時。義時泰時。施私恩。結豪傑。四方靡然。無不服從者。視之於京師。則有人有道。而上皇不量其時。驟欲動凶器。討之。豈能濟乎。上皇若欲討北條之罪。修德下賢。由道惠民。信衆懷而後舉兵。討之。東軍何抗王師哉。夫兵貴時動。京師君臣無知兵者。君輕遽舉事。臣倉卒應之。而宇治勢多不守。上皇蒙塵。群卿戮辱。豈不痛乎。

第八十六世
紀元千八百
八十一年

後堀河天皇

諱茂仁高倉帝皇子守貞親王第三子母藤原氏中納言基家

女在位十二年改元六曰貞應元仁嘉祿安貞寬喜貞永○按自帝至光嚴帝凡十二世北條氏以陪臣執國命是為王綱第七變

先帝既遜位委棄神器於閑院即日帝踐祚

甫十歲前關白家實攝政尊父守貞親王曰

太上法皇母藤原氏曰北白河院

北條義時據鎌倉以鎮東北雷泰時時房於六

義時置
兩六波
羅

波羅兩府以鎮西南前此義時籍勤王公卿諸
邑三千餘所悉分與戰功將士一無所取焉由
是勢威震天下殆過賴朝矣按自義時至高時
凡七世陪臣專權
是為霸圖
第二變

賴襄曰北條氏既定承久之難留部將鎮京師
建六波羅兩府置四十八所籌卒隸焉名為護
衛官城其實鎮壓之於是遠近屏息莫敢生心
四方望以倚安焉蓋北條氏以足利氏所以處
鎌倉者以處京師也而足利氏獨任之北條氏

分任之足利氏封襲之北條氏更代之故足利
氏不得鎌倉之力而常患其難制北條氏能制
兩府得兩府之力以制天下凡鎮兩府者任久
乃召還執政取其諳練京畿西國事是可以為
後世之法矣

太政大臣公房罷以攝政家實為太政大臣○
貞應元年壬午攝政家實罷太政大臣○中院自
土佐遷阿波○以內大臣藤原公經為太政大
臣大納言藤原師經賴實之子為內大臣○二年太

中院遷阿波

政大臣公經罷。○太上法皇崩。謚後高倉院。○

元仁元年甲申北條義時暴死。或曰為近侍所殺。政子召

泰時于京師。嗣為執權。時房亦還鎌倉。使時氏

泰時之子時盛時房之子代鎮兩府。時義時後妻藤原氏

性姦妬。以泰時前妻出甚惡之。因與弟光宗謀

密說三浦義村欲廢藤原賴經而立女婿藤原

實雅為將軍。以所生子政村為執權。政子知其

謀。因讓義村。義村誓白其無他府下物。議騷然。

政子終抱賴經入泰時第。召義村及諸將。令大

江廣元論決。逐實雅於京師。流光宗於信濃。徙

義時妻於北條。事乃定。廷議流實雅於越前。○

初泰時在京師。聞梅尾僧高辨名。往訪之。高辨

語泰時曰。治國猶治病也。不究其因而藥焉。徒

益病耳。治亂之因。在人之欲。公苟絕欲。以率之

治。可幾矣。泰時大悅。至是泰時割與父邑諸弟

自取太少。曰。吾為執權。復何求焉。○是歲僧親

鸞始倡一向宗。○嘉祿元年己酉前陸奧守大膳

大夫征夷府政所別當大江廣元卒。廣元中納言匡房之

北條義時暴死泰時為執權

北條泰時訪僧高辨

大江廣元卒

政子薨

下新制三十六條以藤原賴經為征夷大將軍

曾孫起身文學有經世畧鎌倉成霸業廣元之力居多然廣元素王朝世臣所事非其人後世論者惜焉○前太政大臣賴實薨○故征夷大將軍

賴朝配北條氏薨○下新制三十六條○二年

以右近衛少將藤原賴經為征夷大將軍○安

貞元年_{丁亥}京師大火延及大內○是歲僧道元

始倡曹洞宗○二年關白家實罷以前攝政道

家為關白○寬喜二年_{庚寅}前關白太政大臣基

房薨○三年關白道家罷以左大臣藤原教實

代之○中院_{土御門}帝崩於阿波帝溫醇慈孝施為

不耀在位年甫十六本院命使傳位於新院_{順德}

帝雖心不懌而無幾微形于色間居優游歌

詠自遣本院之討北條氏帝謂時未至矣屢諫

止之不聽王師遂敗及北條義時遷二帝於海

外帝以諫言故獨免焉然欲與本院同其憂使

諭旨鎌倉親冒波濤車駕竟不返崩年三十七

火葬送御骨于京師藏西山金原法華堂

史論曰自天子至於庶人百行莫先乎孝帝之

篤孝酷似高倉帝而有難能者焉本院_{後鳥羽}欲

立順德帝而使帝去位曾無幾微見於天顏此
 非孔子所謂色難者乎本院欲誅北條義時而
 帝諫之此又非孔子所謂幾諫者乎設使本院
 從其言觀變而動待時而發則豈復有播遷之
 禍哉帝既不預其謀義時亦無所施其悖逆而
 帝必欲與本院同其憂冒波濤之險虺蛇之與
 處蒼梧之駕竟不返天乎及四條帝崩而無嗣
 北條泰時懇求帝胤立後嵯峨帝上御門帝於
 榛莽之中豈非孝感之所致歟天之保佑果不
 或矣

新敕撰和歌集成

泰時頒式目

第八十七世紀元千八百九十二年

貞永元年辰權中納言藤原定家俊成上新敕撰和歌集定家嘗撰天智帝以來善和歌者一百人人各一首書之嵯峨中院障子世謂之百人一首○北條泰時謂訟獄要公理無私不可無可資聽斷者因與三善康連議頒式目五十條○十月帝禪位於皇太子

四條天皇諱秀仁後白河帝子母藤壁門院藤原氏關白道家女在位十一年
改元六曰天福文曆嘉禎曆仁延應仁治

帝即位於太政官廳甫二歲尊先帝曰太上

天皇關白左大臣教實攝政教實父道家為
帝外祖而弟賴經為將軍權勢無比朝野傾
心焉。

天福元年癸巳前攝政內大臣基通薨家稱近衛○文

曆元年甲午五月廢帝崩壽十七葬山城伏見塚本四山陵明治

二年追諡仲恭天皇○八月太上天皇崩壽二十三葬山城東

山觀音寺○嘉禎元年乙未攝政教實罷尋薨是為九條祖

以前關白道家攝政○三年攝政道家罷以左

大臣藤原兼經家實攝政○曆仁元年戊辰開院

藤原賴經入朝

成徒御焉○征夷大將軍藤原賴經入朝任權

大納言尋辭而還鎌倉○是歲六波羅置戍兵

於要害之處設篝火以備群盜是謂篝火○延

應元年己亥二月本院後鳥羽帝崩於隱岐壽六十葬

送御骨于京師藏大原西林院

史論曰人君即位必正其始正其始所以正其

終也自古未有無神器而登極之君元曆踐祚

出於一時之權而不可為萬世法也及帝遜位

惡北條義時之竊權亟欲誅之此誠有為之主

也然不修德教不審時勢而欲以畿輔之招募
捍關東之堅銳庸可得乎況將非其人兵無紀
律萬馬犯關三院蒙塵古今未有慘於此者也
寶字之變以皇太后幽皇帝保元之禍以天子
徙上皇事雖不可而猶得以號於人曰我流之
也承久之亂以陪臣制至尊天地否塞人神共
憤而又使元弘之世賊臣得以藉口豈非不正
其始之故耶後之議者不能無憾於後白河法
皇也

仁治元年康子北條泰時身以節儉堅自守衣服
器皿雖敝弗改造至是藤原賴經下令鎌倉禁
奢侈○以攝政兼經為太政大臣職仍舊○二
年攝政兼經罷太政大臣○三年正月帝崩壽
十二帝幼冲游戲無度塗滑石官廊欲令嬪御
顛仆而調笑之誤自倒傷體遂不起葬山城
泉涌寺
後嵯峨天皇諱邦仁土御門帝第七子母贈
皇太后源氏贈左大臣通宗女
在位五年改
元一曰寬元
先帝崩無嗣前攝政道家欲立新院順德
帝皇

第八十八世
紀元千九百
二年

子忠成王而北條泰時素感土御門帝舊德欲立其胤詣鶴岡祠探籌亦協於是決策遣安達義景立帝且謂曰如有新院皇子立則宜廢之義景入京師即夜帝踐祚時曠大位十二日以攝政兼經為關白尋罷以左大臣藤原良實教實代之

北條泰時卒經權時為執

北條泰時卒泰時為人敦親族嘗聞弟朝時家有寇輒起赴援或言其輕身趨於小事泰時曰兄弟急難何曰小事苟喪吾親職重何為朝時

聞之感激焉泰時勵精圖治其參政府勤敏不懈以躬率眾又愛儒士嘗謂係經時曰為政在文不可專用武斷子時氏先死經時嗣為執權

○九月新院順德帝崩於佐渡壽四十六火葬送御骨于

京師藏大原法華堂側帝英敏好典籍能和歌嘗所親撰

有八雲抄禁祕抄承久之役專參謀謨故被遷

○前關白太政大臣家實薨○寬元二年甲辰大

將軍藤原賴經辭職請以其子賴嗣代之甫六

歲賴經時年二十六未有失德亦未倦府政而

八雲抄禁祕抄

北條經時廢將軍賴經

辭職其實北條經時欲專權故廢之。○前太政大臣公經薨。公經女適關白道家生賴經。孫女入官為帝后生太子。權勢傾一時。世稱西園寺○四年關白良實罷。以左大臣藤原實經道家之子代之。○帝禪位於皇太子。

後深草天皇

諱久仁。後嵯峨帝第三子。母大官院藤原氏。太政大臣實氏女。

在位四年。改元五。曰寶治。建長。康元。正嘉。正元。

帝即位於太政官廳。甫四歲。以關白左大臣實經攝政。尊先帝曰太上天皇。聽政院中。

第八十九世紀元千九百六年

北條經時卒時賴為執權

時賴廢將軍賴經

北條經時以疾讓職弟時賴尋卒。鎌倉物議騷然。時時賴從父光時朝時之子有寵於前將軍賴經。因勸圖時賴欲自代其職。謀泄。時賴乃集兵自衛。光時度事不濟。削髮謝罪。時賴流之伊豆。又逐賴經於京師。令三浦光村等護送。光村近侍。賴經有年。甚被親愛。至京師辭還。涕泣曰。臣必有以報君也。○時賴既為執權。勵精府政。最重得人。所擢用上總人青砥藤綱左衛門。廉潔剛直。不憚權貴。好賤貧。困白奉甚薄。時賴有夢兆。欲

青砥藤
網索遺
錢

加之祿。藤綱辭曰：君今以夢賜祿，他日又以夢斬臣耶？時賴益敬異之。北條氏封人有與人爭田者，時賴處決不得當，藤綱乃覆案其議，以田還本主。田主德之，密苞錢投其庭內，而為報。藤綱怒，卻之曰：主君司天下之直，故吾為主君助，其所司豈污於汝之貨乎？嘗夜過滑河，誤遺十錢於水中，乃買炬照水索之，炬直五十錢，或笑其得不償失。藤綱曰：五十錢出於吾入於人，今收十錢存於世，是六十錢終不失一，不亦大益乎？

其用意周匝如此。○寶治元年，丁未攝政實經罷，以前關白兼經代之。○三浦光村既還鎌倉，欲迎復賴經，潛徵兵其邑，勸兄泰村圖滅北條。時賴泰村不果。初時賴外祖安達景盛與泰村爭權相惡，削髮在高野。至是來鎌倉，見時賴密議久之，出見子義景等，讓其受泰村凌辱。適時賴因事宿泰村家，族人悉集，侑酒迭出，更入時賴恠之。夜半聞障內有鎧冑聲，益疑之，決起直從一侍臣而歸。泰村大驚，使使謝罪。時賴慰諭

遣歸而戒心不怠。大江季光妻泰村妹也。來勸其兄決意舉事，亦不果。專欲修睦已而，景盛率兵來攻泰村，愕眙急防之。時賴於是遣弟時定、六將兵援攻大江，季光將往屬時賴，因其妻之言轉屬泰村。時定縱火，上風泰村不能支，走入賴朝影堂。光村慷慨曰：向從關白謂道密旨，則我族將專軍政。阿兄猶豫，遂取此敗。引刀務其面，遂自殺。其族死者凡二百七十餘人。○二年，太政大臣通光罷尋薨。○建長元年配定活價。

三浦光村自殺

定活價法

創建長寺

法。○是歲北條時賴創建長寺於鎌倉。宋僧道隆來寓焉。後謚大覺禪師。禪師之號始于此 ○三年先是命權大納言藤原為家定家之子撰續後撰和歌集。至是成奏上。○四年前關白道家暴薨。初前將軍賴經憤為北條時賴所廢，謀滅之不成。至是賴嗣又圖時賴，遣長久連次郎左衛門等聚兵京師，會佐佐木氏信判官、縛久連等。時賴命鞠之，悉得其情。誅竄久連等，遂廢賴嗣，逐之於京師。曩二浦光村之死，以違道家密旨，遲疑誤事為

續後撰和歌集成

北條時賴廢將軍賴嗣

立宗尊親王

以宗尊親王為征夷大將軍
下新制十八條

憾時賴聞之深恨故道家之薨世稱其不良死云○時賴既廢賴嗣奏請立上皇皇子宗尊親王為鎌倉主成政子志也○四月詔拜親王為征夷大將軍○攝政兼經罷以左大臣藤原兼平家實代之尋為太政大臣○五年下新制十八條○是歲僧日蓮始倡法華宗○六年以攝政兼平為關白○康元元年丙辰北條時賴有疾以子時宗猶幼令族長時代為執權○正元元年己未前關白兼經薨稱岡屋○帝禪位於皇太弟

第九十世紀元千九百二十年

時賴卒

龜山天皇諱恆仁後深草帝同母弟在位十五年改元三曰文應弘長文永帝即位於太政官廳年十一關白兼平攝政上先帝尊號太上天皇稱曰新院前太上天皇曰本院本院決政弘長元年辛酉關白兼平罷以前關白良實復代之○二年北條時賴卒時賴在職遵守賴朝舊制及泰時式目士民翕然悅服內外稱治矣及解職微服周覽四方訪民疾苦察冤枉由是郡國守宰皆自奮勵風化最行嘗造最明寺間居

焉。學禪於宋僧道隆。臨卒作偈曰。業鏡高懸。三十七年。一槌破碎。大道坦然。蓋享年三十七故言。

史論曰。世謂時賴為僧。巡省風俗。不急於求賢。而徒勞於自為非為治之道。大率以此病之。殆不然也。時賴退居最明寺。則鎌倉一間人耳。夫天下之大。郡國之廣。豈能得周流而悉知其情偽哉。然舉一善則天下勸。除一害則萬民賴。壞衲敝履。不憚跋涉之勞。而鎌倉之政令出於幕

府者。固自若也。無損于治體。而有益于採訪。出世而經世。其用心乎。民瘼固非逸豫求安者之所能為。未可以此訾之也。青砥藤綱。耿介鯁直。時賴推而用之。遂以廉吏稱。由是觀之。時賴在職之日。能得人材如此。豈謂不急於求賢哉。青山延于曰。北條泰時居執權之職。勤儉廉潔。以身率下。風化大行。時賴繼之。善守其軌制。由是海內乂安。風俗淳朴。後世言治者。必稱泰時。時賴後之人。牧苟欲致治。可不則而効之哉。

續古今和歌集成

北條時宗廢將軍宗尊親王

以惟康王為征夷大將軍

卻蒙古使

再卻蒙古使

文永元年甲子北條長時罷執權政村代之○二

年關白良實罷以左大臣藤原實經代之○權

大納言藤原為家上續古今和歌集○三年僧

良基嚴慧等素親近將軍宗尊親王竊與其黨

謀滅北條氏宗尊實不之知至是謀泄良基奔

高野山絕食而死嚴慧亡命時宗尊稱病不出

物議騷然北條時宗與政村議廢宗尊逐之於

京師立其子惟康王甫三歲○七月詔叙惟康

從四位下任征夷大將軍○四年關白實經罷

以左大臣藤原基平兼經之子代之○五年是時蒙

古犯宋近鄰諸國皆服事焉獨我朝不通使聘

蒙古主忽必烈令高麗人致書於我曰不服則

用兵朝廷下之大將軍府議北條時宗以為書

辭無禮乃卻不受○北條時宗執權政村為副

○關白左大臣基平薨○以左大臣藤原基忠

兼平之子為關白○六年高麗嚮遣使蒙古報我卻

使者之狀忽必烈不信疑其託言風濤中道而

還再遣使者黑的等期於必達至是高麗使其

三卻蒙古使

臣申思侂導黑的等復來對馬請前年答書對馬守拒而不納虜嶋人塔二郎彌二郎去既而高麗送還一人○七年前關白左大臣良實薨

是為二條之祖

○八年蒙古遣使者趙良弼與高麗使

俱來太宰府府索其國書良弼不與曰當自致之王都不則必呈之將府府強之乃以寫本示之府致之鎌倉鎌倉遣使奏之朝議欲答書北條時宗又以為不可奏止答書令太宰府逐還良弼是歲忽必烈改國號曰元○九年二月本

院崩後嵯峨帝帝雖為北條氏所擁立而常痛土御

門帝蒙塵欲蒞時有為遜位之後猶聽政二十

六年而朝廷大事皆仰成鎌倉勢不得不然也

至是崩壽五十三火葬藏御骨法華堂○先是北條時宗

為執權其庶兄時輔愧下於弟至是謀舉兵京

師時宗遣兵殺之○十年關白基忠罷以前右

大臣藤原忠家教實之子代之○十一年帝禪位於

皇太子

後宇多天皇

諱世仁龜山帝長子母京極院藤原氏左大臣實雄女在位十

北條時宗殺時輔

第九十一世紀元千九百

日本書紀

卷之二十一

後宇多

二十五

高麗書

三十五年

四年改元二。
曰建治弘安。

帝受禪甫八歲初後深草上皇及先帝皆後
嵯峨帝之皇子相繼即位而後嵯峨帝特愛
先帝有英氣以為可繼其志因遺詔令先帝
之後永承皇統至是帝立即奉其遺詔也關
白忠家攝政尊先帝曰太上天皇聽政院中
攝政忠家罷以左大臣藤原家經實經之子代之先
是北條時賴奏分藤原氏為五派更任攝錄以
判其權忠家家經其一家也近衛鷹司九條二
條一條世稱曰五

元兵入寇

攝家即攝政家略語也忠家為九條家經為一條 ○元遣使來前後數
次皆卻不受忽必烈積怒日久至是遂發舟師
合高麗兵凡三萬來寇對馬地頭宗資國戰死
之轉攻壹岐守護代平景隆死之虜遂取二嶋
獲男子皆殺女子以繩穿掌繫之船進侵沿海
諸邑登陸迫攻進退有法每退發火器聲如震
霆虜見死者屠腹食肝殺牛馬亦悉食之太宰
府發兵力戰防之少貳景資射殪賊將劉復亨
虜軍夜逃府兵追之不及獲船一隻斬虜百二

北條時宗斬元使

十人而我兵素習搏戰常以脫隊挺進得捷而
 是役反為所殺者多始悔不知外夷戰法云○
 建治元年亥元兵既逃還而忽必烈猶持初志
 遣使者杜世忠等與高麗人來長門講和欲必
 得我報乃押送世忠等於鎌倉北條時宗斬之
 命太宰府及沿海諸國修守備遣還西兵衛京
 師者以東兵充之○攝政家經罷以前關白兼
 平鷹代代之○十一月立熙仁親王為皇太子初
 後嵯峨帝之崩也遺詔令龜山上皇後永承皇
 統授後深草上皇長講堂領以充子孫封邑而
 龜山上皇聽斷庶政後深草上皇不預焉甚不
 懌及帝嗣位益憤恨北條時宗於是議以後深
 草上皇皇子熙仁親王為帝儲貳意乃釋矣○
 北條時宗以北條實政為九州探題置探題始于此益
 築太宰府水城省冗費充兵備○二年太政大
 臣通雅罷尋薨○以攝政兼平為太政大臣職
 仍舊○是歲僧一遍始倡時宗世謂之游行人○三
 年攝政兼平罷太政大臣尋為關白○弘安元

始置探題

續拾遺和歌
集成

年戊寅前權大納言藤原為氏為家之子續拾遺和

歌集○二年元主忽必烈大造戰艦將來寇用

宋降將范文虎言先遣文虎等來文虎遣部將

周福樂忠等至太宰府猶說和議北條時宗乃

斬周福等於博多令關東將士至鎮西以嚴守

備是歲忽必烈遂滅宋勢益強大蠻夷致貢者

千餘國○四年元主忽必烈憤我再誅使者大

發舟師兵凡十餘萬以范文虎將之與高麗人

入寇舳艫千里旌旗蔽海直犯壹岐對馬我兵

拒之不利虜聞小兒啼聲必搜而殺之土人皆

殺小兒虜進侵太宰府北條實政徵九州兵會

太宰府所築海堤綿亘數百町高丈餘峻削便

俯射然衆懲前年役頗有難色獨實政部將草

野七郎潛放輕舸夜襲虜船燒之殺獲十餘人

虜聚大艦鍊鎖聯之列弩其上我兵相誡曰勿

脫隊獨進時河野通有與伯父通時放一舟指

巨艦旗幕最華麗者而進虜發矢禦之一人皆

被創然神色益壯遂攀虜艦登之殺數十人擒

時宗再
斬元使

元兵再入寇

殲元賊

一虜將返我舟陸續迎之通時創最重遂死於舟中安達次郎大友藏人踵進各有所獲虜終不能登岸退據鷹嶋范文虎懼先逃是時京師訛言九州皆為賊陷矣朝議一上皇宜避鎌倉召東兵守京師而未果龜山上皇尤深為憂親祈石清水奉手書於伊勢大廟祈以身代國難北條時宗亦聞賊甚熾令宇都宮貞綱將兵援實政而未到閏七月大風雷激浪摩盪虜艦悉壞溺死無算少貳景資乘勢掩擊斬殺殆盡流

北條時宗卒

屍填海海如平地虜兵十萬脫歸者僅二人必烈聞敗大怒後○七年北條時宗卒時宗為人強殺不撓幼善射父時賴嘗曰可堪負荷及在職果剪滅元寇宣揚國威後不復有邊患時宗之力也子貞時嗣為執權甫十四

史論曰時宗斬元使或疑此激元主之怒而速其兵也嗚呼可乎曰不然彼挾疆大之勢以臨我我屈伏以事之彼將責我以稱藩朝貢而凌辱誅求之無厭也夫赫赫天孫之胄臨馭瑞穗

國代天子民之道固無假於彼而張夸辭以脅制我是蠻夷我也時宗執其使而戮之宣揚威武震懾外國其舉甚善矣彼欲洩怒於我則我固有備選將蒐卒屯戍沿海軍國之需一無所闕故元主大興舟師來寇而卒不能得志雖由神明之祐亦時宗堅忍不拔之志與防禦得宜之所致也元主創艾不能再舉永無西陲之虞時宗之功不亦偉乎

八年北條貞時既襲父職外祖安達泰盛恃勢

驕肆與貞時家宰平賴綱左衛門爭權泰盛子宗

景左衛門尉性狂妄自言曾祖實賴朝子也遂改姓

源氏賴綱因譖之於貞時曰彼更姓圖篡奪也

貞時乃發兵夷滅安達氏人以為三浦氏之報

也賴綱執政日擅威福無何謀反伏誅○十年

關白兼平罷以左大臣藤原師忠良實之子代之

○帝禪位於皇太子

伏見天皇

諱熙仁後深草帝第二子母玄輝門院藤原氏左大臣實雄妹在位

十二年改元二日正應永仁

貞時滅安達氏

第九十二世紀元千九百四十八年

帝受禪年二十三左大臣師忠為關白如故

上先帝尊號太上天皇稱曰新院後深草上

皇曰本院龜山上皇曰中院

正應元年子戊三月帝即位於太政官廳○關白

師忠罷左大臣○十一月新院皇子尊治生後

帝酬○二年關白師忠罷以右大臣藤原家基基

之子代之○立皇子胤仁親王為皇太子○以

准大臣源基具超為太政大臣○將軍惟康親

王謁鶴岡祠儀仗盡美將士崇敬北條貞時聞

其有異志遽廢之倒載網代輿送還京師東人

曰將軍謫於京師也貞時奏迎皇弟久明親王

為鎌倉主○詔叙久明親王三品任征夷大將

軍○二年賊淺原為賴八郎夜入禁中伏誅為賴

就官女問帝所在女給之曰在南殿為賴赴之

女急入內上變帝實在中官乃女裝避春日殿

殿宿衛赴討為賴至紫宸殿而自殺誅報臣自

是凡十送屍六波羅時檢其箭鏤曰太政大臣

為賴為賴素甲斐源氏性無賴以豪盜聞其佩

北條貞時廢將親王

以久明親王為征夷大將軍

淺原為賴伏誅

刀即前參議藤原實盛家藏也。因收實盛父子。初帝之登祚也。中院以違後嵯峨帝遺詔之旨。愠之。為賴之謀逆。時論皆疑中院所使。權大納言藤原公衡奏本院請遷中院於六波羅。本院不聽。於是中院賜書於北條貞時。誓其無他事。乃得釋。○四年。關白家基罷。以左大臣藤原忠教忠家之子。九條。代之。○關白忠教罷。左大臣內大臣藤原實兼為太政大臣。尋罷。○永仁元年癸巳。關白忠教罷。以前關白家基復代之。○二年前。關

白太政大臣兼平薨。稱稱念院。是為鷹司。○四年。關白

家基罷。尋薨。○以左大臣藤原兼忠家忠之子。鷹司。為

關白。○六年。帝禪位於皇太子。

後伏見天皇。諱胤仁。伏見帝長子。母准三宮藤原氏。參議經氏女。在位四年。

改元。曰正安。

帝受禪。年十一。初先帝密使人諭於北條貞時。曰。中院每憤承久事。陰有所圖。若立其後。非卿之利也。貞時乃定策立帝。關白兼家攝政。尊先帝曰太上天皇。聽政院中立。邦治親

第九十三世
紀元千九百
五十九年

王為皇太子。太子長帝三歲。

帝即位於太政官廳。攝政兼忠罷。以左大臣藤

原兼基師忠之子。二條代之。○正安元年己亥。元僧一山

來。先是元主忽必烈死。孫鐵木兒欲成先主遺

志。以我信佛。至是使一山來議。和北條貞時怒

放之。伊豆後遂歸化。乃延居建長寺。新院後宇多帝

屢召問禪法。○二年。以攝政兼基為關白。○三

年。帝禪位於皇太子。

後二條天皇

諱邦治。後宇多帝長子。母西華門院源氏內大臣貞守女。在位

七年。改元三。曰乾元。嘉元。德治。

帝即位於太政官廳。初。新院以北條貞時立

先帝。遣大納言藤原定房。讓其再違後嵯峨

帝遺詔。於是貞時逼先帝傳位於帝。時年十

七。尊先帝曰太上天皇。是時本中新三院并

前後伏見二帝。共五上皇。上皇之多。前此所

未有也。新院聽政院中。

帝既立。北條貞時奏定本院中院兩統迭立之

議。限以十年。倣藤原氏分為五派之例也。後世

元僧一山來歸

第九十四世紀元千九百

六十二年

北條貞時定兩統迭立之議

論者以為元弘之亂實兆于此矣。

史論曰。兩宗迭立之議出於一時姑息之計。豈得為長久之道乎。況天位限以十年開闢以來所未聞也。陪臣執國命。君若贅旒。然可悲也矣。賴襄曰。兩統迭立之議出於北條氏。猶其分攝家為五派。使其勢相爭而不相合。而我得持權樹恩於其間。可謂巧詐極矣。而其取滅亡實基於此。

以前內大臣源定實為太政大臣。○立富仁親

王為皇太子。○北條貞時罷執權。師時貞時代之

之時。村政村之子為副。○乾元元年壬寅太政大臣定

實罷。以右大臣藤原公孝德大寺代之。○嘉元元

年癸卯前權大納言藤原為世上新後撰和歌集

○二年太政大臣公孝罷。○七月本院崩。帝性

孝友和順。事後嵯峨帝承意不違。待龜山上皇

推誠甚厚。崩年六十二。火葬。藏御骨。法華堂。○三年關白

兼基罷。以左大臣藤原師教忠教之子。九條代之。○九

月中院崩。帝性英邁。夙為後嵯峨帝所愛。而遜

新後撰和歌集成

位後每有意壓後深草帝故於其仁厚之德時論不之足也性又淫蕩頗有醜聲至是崩壽五

十七火葬分藏御骨淨金剛院法華堂南禪寺金剛峯寺○德治元年丙午

以前內大臣藤原實家一條為太政大臣○北條

貞時廢大將軍久明親王送還京師立其子守

邦王北條氏逐將軍至是凡四人矣○詔以守

邦為征夷大將軍○八月帝崩壽二十四葬北白河

殿皇太子立

賴襄曰北條氏之悖逆極矣敢廢立天子進退

宰輔易置大將軍如奕棊然而其家得傳九世

無天道耶曰天之立君為民也非為相也而庸

相以為為己也後世人主務奢泰淫佚以位為

樂以竭天下之民力而以為當然是以盜賊公

行矣夷虜內犯矣則曰是武臣之任耳非吾所

親治也噫如此而欲以長持天職以託於民上

天豈聽之乎所謂武臣者則終身百戰以除民

害而不能得朝廷官爵官爵名也權利實也名

出於朝廷實出於天天以其實與源氏故源氏

北條貞時廢將軍久明親王
以守邦王為征夷大將軍

收天下之實而朝廷擁其名而已然其曰征夷
 大將軍者有其實焉故朝廷亦從而予其名也
 至其子孫乃貪其虛名又忘其職而樂於驕奢
 淫佚所以其權利歸於北條氏也北條氏別立
 主以嗣源氏之名而已守其實唯守其實也故
 其世世所務在於養民養民非自勤不可如曰
 吾務盡心於其實名非吾所敢貪也是以北條
 義時雖遷官猶稱原銜子孫皆循其遺意終於
 相模守武藏守而相模守武藏守能易置大將
 軍能進退攝政關白能廢立天子何哉天下之
 實在於此也天下之實在於此而自儉勤以養
 民是不有天位而為天職也當時天子與宰輔
 將軍徒擁其名以敵其實欲收奪其權而不知
 天之所右在彼不在此不然烏以此悖逆之徒
 而得傳九世乎至於高時一為驕奢淫佚則天
 誅不旋踵嗚呼豈曰無天道哉

花園天皇 諱富仁伏見帝第三子母顯親門
院藤原氏左大臣實雄女在位十

二年改元四曰延
慶應長正和文保

第九十五世
紀元千九百
六十八年

帝踐祚於土御門東洞院殿。甫十二。關白師教攝政。太政大臣實家如故。立中務卿尊治親王為皇太子。

延慶元年戊申帝即位於太政官廳。○攝政師教

罷。以左大臣藤原冬平基忠之子鷹司代之。○二年太

政大臣實家罷。以前內大臣藤原信嗣大炊御門代

之。○三年太政大臣信嗣罷。以攝政冬平代之。

職仍舊。○應長元年辛亥以攝政冬平為關白。○

北條貞時卒

北條貞時卒。貞時留意府政。慕祖時賴之風。及

辭職。屢被緇衣。周覽郡國。問民冤枉。多所摘發。

吏不得欺也。又或發間使。令巡察。間使往往成

奸。終親往按之。云。○先是北條師時時村並死。

及貞時卒。子高時猶幼。族基時貞顯以遺命連

署行事。以輔高時。○正和元年壬子前大納言藤

原為兼為家之孫上玉葉和歌集。○二年關白冬平

罷。以左大臣藤原家平家基之子近衛代之。○四年冬

平復為關白。○五年關白冬平罷。以左大臣藤

原道平兼基之子代之。○北條高時為執權。時年

玉葉和歌集成

十四基時辭連署。舅安達時顯與內管領長崎

圓喜戮力輔高時。○文保元年丁巳九月前太土

天皇崩。伏見壽五十三。火葬。藏御○帝禪位於

皇太子。

明治日本政記卷之十一

新刻日本政記卷之十二

石川縣——大鄉——穆——編次

後醍醐天皇

諱尊治。後宇多帝第二子。母談天門院藤原氏參議師繼女。在

第九十六世紀元千九百七十九年

位二十一年。改元八日。元應元年。正中嘉曆元德。元弘。建武。延元。○按帝平鎌倉後。政歸朝廷。是為王綱第八變。

帝生而英敏。初龜山上皇奇之。寵眷特厚。常

置左右望其獲位。及先帝踐祚。後一條帝皇

子邦良當立為儲貳。後宇多法皇曰朕有所

思宜先立尊治。次及邦良，乃立為皇太子。至是即位，時年三十一。上先帝尊號太上天皇，稱曰新院。立皇姪邦良親王為皇太子。法皇聽政院中。

續千載和歌集

帝既即位以前，內大臣藤原實重公親之子為太政大臣。○關白道平罷，以內大臣藤原內經內實之子代之。○元應元年未記，太政大臣實重罷，以前內大臣源通雄代之。○二年前，權大納言藤原為世上續千載和歌集。○元亨元年辛酉十二月。

復記錄所

法皇將還政於帝，遣使諭旨。北條高時議者以天子受武臣制，竊嘆焉。群臣亦咸欲帝獲政。至祈諸神，既而高時奉詔。○帝勵精求治，復記錄所親聽訴訟，詔廢諸新關，特存大津、葛葉二關。帝素好學，日與公卿儒臣討論經史。僧玄慧以才學聞，又召侍讀。先是經筵專用漢唐諸儒註疏，至是玄慧始進。宋程頤朱熹之說云。○二年大旱，穀價騰踊，道殣相望。敕減御膳，令檢非違使別當諭京師富戶發糶，置場監賣。○北條高

僧玄慧始進程朱之說

時驕縱酣肆初委政於安達時顯及長崎圓喜

二人務修泰時舊規至是圓喜告老子高資新左

衛代之高資性多慾貪貨賄政刑失當士民稍

離焉○是歲陸奧人安藤堯勢與族季長爭邑

而訟各賂長崎高資高資兩納之不決二人怒

遂據邑叛北條高時遣兵擊之不克承久以來

條氏者是為始○三年關白內經罷以左大臣藤原房

實九代代之○以前關白冬平鷹司為太政大臣○

正中元年甲子六月法皇崩後宇多帝帝英敏好學源

親房嘗稱為後三條帝之亞旁通佛乘崩年五

十八葬山城蓮華峯寺○初帝憤北條高時專橫慨然

有討伐之志引中納言藤原資朝日野藏人頭

藤原俊基參謀議密延攬豪杰錦織俊政足助

重範等應之俊基變服潛遊海西資朝亦詭服

往關東各觀察風俗要害而還與大納言藤原

師賢僧玄基等相結納每會議脫衣冠坐無位

次令婦女著單紗衣行酒縱飲酣歌稱曰無禮

講美濃人土岐賴兼多治見國長亦與焉時暉

安藤堯勢叛北條氏

無禮講

北條高時流
藤原資朝

外議招僧玄慧講唐韓愈文。至潮州詩。衆以為不祥而悔之。會賴兼族賴春告計於其妻。妻走告之。其父齊藤利行利行六波羅府吏也。大驚告之。府將北條範貞時攝津民作亂。範貞乘之聚兵以襲賴兼國長。二人力鬪不克。自殺。遂拘資朝俊基送之於鎌倉。北條高時怒甚。將議廢帝。帝欲紓其患。因賜高時誓書。事乃得釋。而帝志益銳。○關白房實罷以太政大臣冬平代之。○二年北條高時奏流藤原資朝於佐渡。釋藤

續後拾遺和
歌集成

原俊基還京師。初高時訊俊基無禮講。俊基曰。兵事吾所不知。唯知玄慧講。文是文禮講。謬傳為無禮耳。由是得免放流。○參議藤原為定上續後拾遺和歌集。○嘉曆元年丙寅三月皇太子邦良薨。帝欲擇諸皇子代之。北條高時執兩統迭立之議不可。帝遣使諭之曰。後深草子孫世襲長講堂領。是奉後嵯峨遺詔也。至朕子孫襲位。獨不當奉遺詔邪。高時不可。帝惡其暴慢。○初高時昏亂日甚。縱酒荒淫。性好鬪狗。課吏民

鬪狗

田樂戲

妖倡

貢葵葵數千分附諸將養之載以籃輿道路遇者下馬俯伏葵群鬪哮噉如爭尸者聞者皆惡之至是又喜田樂戲優人亦數千纏頭費不貲一夕高時獨醉舞有十餘倡來歌以助之姬人闌之倡皆妖及歌終而去獸跡滿座高時醒無所見已而得疾宰高資勸之削髮讓職於金澤貞顯高時疾瘳大怒將殺貞顯貞顯懼亦削髮謝之高時又欲令長崎高賴殺高資高資覺捕高賴流之於是內外憤怨人皆知其不終焉○

七月立本院

後伏見帝

皇子量仁親王為皇太子先

護良親王為叡山座主

是帝再遣使鎌倉諭高時曰後深草子孫得續天位則長講堂領宜給朕子孫也高時遂不奉詔時帝第二皇子護良親王有英姿帝特愛之欲立為東宮而不得欲給封土又不得帝怒與親王謀收結南都叡山僧徒令親王削髮號尊雲為山門座主以圖北條氏親王居大塔世因稱大塔宮○前征夷大將軍惟康親王薨○二年關白太政大臣冬平薨以前關白道平代之

○二年前征夷大將軍久明親王薨○元德二

年庚午關白道平罷以右大臣藤原經忠內經之子近衛

代之尋罷○殺大判事中原章房時帝欲討北

條高時密召章房謀之章房固諫帝恐語漏使

人陰殺之○以左大臣藤原冬教冬平之子鷹司為關

白○元弘元年辛未地大震富士山崩數百丈○

先是帝召僧圓觀文觀等於禁中託事修法實

咒詛北條氏高時覺之捕圓觀等鞫而得狀乃

皆處流至是下令六波羅再執右中辨藤原俊

基送致於鎌倉帝益憤其凶橫欲先滅六波羅

命後伏見帝中納言源具行徵兵叡山僧徒應之○時本

院密遣使於鎌倉具告朝廷之謀高時乃

聚諸將吏議之眾莫敢言宰高資曰主上親王

流之朝臣參謀者處之刑庶乎事定焉一階堂

貞藤諫曰北條氏世尊王室惠下民所以執國

命幾乎百六十年也今執公卿竄僧徒此為已

甚而又欲遷帝王如天道何古曰君雖不君臣

不可以不臣苟我而効臣節則天威亦安得不

元弘之亂

富士山崩

元弘之亂

齊哉。高資作色曰：迂腐之論，何陳於今日！公獨不知承久之事乎？高時從之，決意圖廢立。○是時北條仲時基時之子時益政村之曾孫方鎮兩六波羅，高時送書告謀，又遣二階堂貞藤等率兵三千西上。未至，護良親王謀知之，急馳使奏進一事。帝用其計，即夜載神器出宮，裝車如婦人所乘，詐稱中宮如北山第。中納言藤原藤房万里弟季房從焉。諸公卿稍稍追及，帝更御籃輿。大膳大夫重康姓關樂工豐原兼秋隨身，秦久武等昇

帝幸笠置

之赴南都，遂幸笠置。使大納言藤原師賢服衮衣，詐稱帝赴叡山，僧徒來聚者一夕至萬人。而北條仲時時益謂帝猶在宮中也，遣兵索之，不獲。會有告幸延曆寺者，乃發近江兵攻之。護良親王督僧徒拒戰，破之於辛崎。既而僧徒知帝非真相率散去。親王走南都，師賢赴行在。○帝既幸笠置，地形峻嶮，便於守戰，乃造行宮，而四方勤王之師未集。帝深憂之，適夢紫宸殿前有一大樹，南枝最茂，下設御座，帝恠問故，有一童

南木之夢

徵楠正成

聖泣白曰。天下無地可駐蹕。獨有此座而已。既覺自念。文木從南為楠。將有姓楠者。出輔朕。歟。即召寺僧問之。對曰。河內國金剛山西有楠正成者。楠諸兄之裔也。小字多聞。長以武勇名。帝曰。是也。遣中納言藤原藤房召詣行在。帝見之。大悅。委以興復命。坐問計。正成感激對曰。天誅所加。何賊不尅。東夷有勇無智。故鬪勇則天下無敵。鬪智則臣有策焉。雖然。兵不能無勝敗。敗亦不足勞宸慮。陛下苟聞臣未死也。則勿復患

賊攻笠置

北條高時奉
量仁親王稱
帝

事不濟。乃拜辭還城。赤坂。○六波羅賊將北條仲時。時益聞笠置兵日集。發諸國兵來圍行在。兵凡七萬。緣崖攀葛而登。足助重範拒之。登城呼曰。我造新鍬。請試利鈍。乃射殪數人。皆洞鎧。摧背。僧本性亦有異力。連投鉅石。人馬倒碎。賊乃退。相持數日。○北條高時奉量仁親王稱帝於京師。初北條仲時等聞楠正成舉兵於河內。大驚。告急鎌倉。高時乃遣使京師。與藤原公宗公經議。止親王是為光嚴院。二帝並立。高時之裔承久故事。○

足利高氏

笠置城陷

高時聞笠置城固而不拔遣大佛貞直足利高氏等率兵十餘萬騎西上未至賊陶山義高小見山氏直等夜乘風雨縋城而入縱火呼謀官軍驚亂賊乘之急攻城即陷足助重範就擒錦織俊政石川義純及子義右死之帝奉神器徒步而逃唯藤原藤房藤原師賢等從焉將赴赤坂步履甚艱扶行三晝夜遂為追兵所擁去○賊奉帝幸宇治御平等院親王以下文武百僚悉見執大佛貞直等請傳神器於新主帝使藤

授新器

賊攻赤坂

原藤房宣敕曰神器歷朝帝王所親授受非臣下可敢恣與奪且鏡璽已失之山中所有獨有劍若欲爭相逼朕將自伏之貞直等畏而止其實二器咸全矣賊欲遷帝於六波羅敕使備鹵簿儀仗而後幸復請傳神器乃授以新器始有神真偽矣○帝在六波羅獨藤原藤房源忠顯侍焉賊請帝削髮不聽每且沐浴拜皇祖如常禮賊益畏憚之○楠正成之城赤坂也將以奉乘輿而笠置陷大佛貞直等乘勢奄至兵凡三十

楠正成設複垣

萬城纔成方可二町。隍池淺狹。賊視其小侮之。曰。此可隻手掀耳。爭肉薄攻之。城兵亂射。雨注立斃千餘人。賊驚沮而退。正成兵素五百。豫分其三百授弟正季。七郎。族和田正遠。五郎。伏山中。敵方卸甲解鞍。伏兵自左右起。正成以二百騎闢門突出。三面合擊。賊軍大敗。棄器械而走。尋復來攻。圍之數重。正成豫設複垣。繩懸其外。垣敵蟻附焉。乃斷繩。敵從而墜。乃投大木。鉅石。殺七百餘人。居數日。賊軍修攻。具蒙楯而進。鐵搭鉤。

楠正成沃沸湯

垣。垣殆壞。正成令眾人執長柄杓。沃沸湯。敵焦爛而退。每敵來攻。正成隨機捍之。敵益沮。乃植柵圍守。為持久之計。初。正成之築城。取農粟充糧。至是殆盡。僅可支五日。乃謂眾曰。我先天下唱義。固不惜死。雖然。天子在焉。吾未可以死也。吾今佯死。誑賊。賊必去。賊去則來。賊來則去。使彼疲奔命。是制勝之道也。眾皆然之。乃鑿坑。填屍蔽薪於上。夜乘風雨。稍稍逃出入。金剛山。畱一卒。誡曰。度我行遠。而舉火。火起。敵爭登城。見。

櫻山茲俊自殺

北條高時遷帝隱岐

兒嶋高德

灰燼中積屍謂正成既死也。乃引兵東去。使湯淺定佛守赤坂。○先是備後人櫻山茲俊舉義兵。及聞赤坂陷。衆潰散。茲俊乃自殺。○二年。是京師改元正廣。二月。北條高時遷帝於隱岐。獨參議源忠顯。嬪藤原氏三位從焉。先是帝之入六波羅。僧良忠殿法印謀奪帝不成。至是兒嶋高德備後三郎又欲奪駕於塗。復不成。○初。高德聞帝在笠置。欲赴援。會行在及赤坂陷。乃止。至是聞帝西遷。欲奪駕。勵衆曰。殺身成仁。正在今日。衆奮從之。

兒嶋高德書詩櫻樹

乃潛伏山谷而候之。謀竟齟齬。衆皆散去。高德悵悵猶不能去。欲一見帝。奏言而又不得間。於是夜入帝館。所櫻樹白之。書曰。天莫空勾踐時。非無范蠡。賊將護兵。皆不能讀也。帝獨心知之。欣有勤王者焉。○車駕至隱岐。御國分寺山縣禎曰。後醍醐帝憤北條氏之暴。圖誅之以蹈後鳥羽上皇之覆轍。亦可憫矣。然後鳥羽竟崩於海。嶋帝則一獲恢復者。當義時之時。北條氏之惡未甚。顯泰時亦能得人心。而後鳥羽不

勝一旦之憤卒然起兵以自取禍敗也至高時則罪惡貫盈加以長崎高資之驕橫衆怨民叛天下思亂而帝乘其時圖誅之雖一旦蒙塵亦首徵楠正成於行在託以討賊正成奉詔而唱義數出奇以挫敵威武震天下是以帝雖一遷海嶋天下勤王之師所在競起遂使鸞輿得再還京師者雖時運使然亦由帝能徵正成以係天下之人心而天下忠義之士聞其風以興起也其得賢之効不亦大乎

又曰余觀天王寺所藏高德旗幟圖有文其略曰開闢以還有君有臣有父有子忠孝事之人道乃然也若背此道則天地之所不容也故志士仁人無求生以害仁有殺身以成仁吾雖不肖碎肺肝運智計時爲范蠡欲一爲君雪會稽耻爲吾徒者宜輕生命於塵芥曝尸於軍門嘉歷二年五月初三備後三郎高德以此觀之後醍醐帝之欲圖比條氏蓋非一日而天下忠義之士亦有密應其志者而待時乃發也蓋高德

父子忠烈非一且感激奮厲之所爲而義理之心發乎肺肝確乎其不可奪宜乎其精忠義烈歷艱險涉困阨而終身不變也

復赤坂城

楠正成出金剛山攻赤坂守將湯淺定佛適徵糧於紀伊正成要而奪之充苞以甲如運糧者衆從後僞追之城兵以爲敵奪我糧急開門納之兵皆取甲於苞而擐吶喊起鬪正成亦奮門而入定佛窮蹙遂降正成分其兵將七百騎徇和泉河內悉下之進屯渡邊橋京畿大震六波

羅賊將北條仲時時益等遣隅田通治高橋宗康帥兵五千來攻正成分兵伏天王寺側而以羸兵守橋及戰佯走敵追北過天王寺遂陷於伏大敗爭橋而溺死者無算先是北條高時之醉舞也有妖倡來侍歌曰何不見天王寺妖靈星乎聞者異之刑部少輔仲範曰兵革之起必在天王寺矣果如其言○北條高時懼有朝臣通謀行在者乃流權中納言藤原藤房於常陸其餘五人亦各處流殺右中辨藤原俊基等四

北條高時流藤原藤房

人。是時藤原資朝在佐渡其子國光年十三自京師赴省父父已為本間三郎者所殺國光夜斬三郎而去。○北條高時既遷帝流殺公卿自謂天下無復足虞者及聞楠正成兵特強則大驚遣

楠正成觀識文

宇都宮公綱西上於是北條仲時等付公綱以兵五百來攻天王寺楠正成欲不戰而屈之乃引兵而去居數日發士兵數千盛列炬火漸多漸近公綱不釋甲而待者三晝夜意其兵日加也果潛退去正成料敵出奇率此類也正成復軍天王寺寺舊藏上宮太子識文正成請僧觀

護良親王起兵吉野

赤松則村倡義

之文曰東魚來吞四海日沒西天三百七十日西鳥來食東魚海內歸一正成諭衆曰是主上回鑾賊亡無日之讖也諸君勗之衆皆奮勵○先是北條高時遂流皇子尊良宗良恒良三親王殺恒性獨護良親王匿吉野至是起兵○初護良親王逃南都般若寺賊攻之急親王潛經函中而免遂為道士裝走至十津川依土豪戶野兵衛半載蓄髮還俗賊又索之急遂匿吉野至是據寺為城以兵二千守之遣赤松則村齎

赤坂城陷

令旨論其父則村倡義則村起兵播磨城苔繩山以絕山陽山陰二道由是官軍聲勢日益振○三年楠正成既城金剛山及千劔破賊復大發兵分為二軍一階堂貞藤攻吉野大佛高直攻千劔破阿曾時治攻赤坂時正成使平野將監守赤坂將監拒守旬餘城設暗渠以貯水為敵所決時又連日不雨兵士困渴敵發火箭燒樓櫓衆欲戰死將監曰金剛吉野未拔請姑降待時乃出降賊悉斬之六波羅我兵聞而切齒

吉野城陷

志氣倍銳貞藤兵六萬至吉野吉野執行岩菊丸叛降之以手兵俄攻城後官軍驚潰護良親王錦袍緋甲提眉尖刀親戰竟不能支村上義光彦四郎欲代死乃請親王被其袍甲親王揮涕辭訣義光子義隆請與俱義光叱之去護親王遂偽稱親王死親王得間走高野

永井定宗曰義光自從親王迴歷南紀間以徃百戰萬危不顧其身終為親王之紀信真可謂千古之英雄矣親王嘗以義光比北宮黝然黝

也徒有勇而無義如義光父子義勇兼盡豈官
黜之所能及也哉

賊攻千劍破

吉野赤坂既陷賊三軍悉萃于千劍破兵數十
萬城東西臨谷南北接金剛山壁立數十仞敵
合勢肉薄登夜楠正成以千餘人拒之大投巨
石隨亂射雨注敵死傷無算乃令軍中勿復薄
城城有五泉雖旱不涸正成豫造槽貯水雨則
又引屋溜於槽時方大旱敵火箭射城正成以
機注水使不能焚敵疑其外出汲水令名越某

作藁人

越前將兵二千守東谿正成暇其倦怠夜出兵
擊之奪其旗而還旦日樹之壁上以辱之名越
慙恚率兵薄城城兵下巨木仍大射之斃四千
餘人賊益畏憚休戰成持久之計城兵困之正
成乃作藁人數十被以甲冑夜列城下兵在其
後乘曉大喊敵聞之皆進我兵頗發矢輒退入
城敵競集於藁人乃連下巨石殺傷八百餘人
敵又造雲梯跨壑架壁欲緣乘城正成作大炬
投以燒梯梯中斷賊兵陷壑死者數千人會護

燒雲梯

日本正史

卷之二十一

十六

高卷樓藏版

良親王使大和土兵絕賊糧道賊遂逃亡諸道
豪傑望正成之風多應官軍者○上野人新田

義貞源義家十世之孫與其族脇屋里見等世屬鎌倉

新田義貞舉義

故是役義貞亦在賊中攻千劔破而其實懷大

義與家臣舟田義昌共謀欲得護良親王令旨

使義昌潛往高野義昌以計請而得之義貞大

悅明日遂稱病東歸遙應正成義貞旗用白徽號中黑○

土居通治得能通言並舉義

先是伊豫人土居通治得能通言起兵倡義與

長門探題北條時直戰于伊豫屋岡大敗之○

北條高時以義兵四起慮帝逃出戒佐佐木清

高益嚴守衛而清高族富士名義綱守中門竊

謀脫帝無由發之會帝夜使宮女賜酒守兵義

綱因密白曰楠正成自椽金剛山舉義兵已至

三閱月高時以百萬兵攻之未能拔也播磨備

前伊豫壯士並起而應之是皇運挽回之秋也

陛下宜急艤千波港幸出雲伯耆之間二國將

士必有應召者臣亦佯追而從之事必濟矣帝

聞之大喜然亦不輒信因賜其宮女以察之義

富士名義綱勸帝潛幸

帝潛幸伯耆

綱志益堅。帝乃令先往出雲招集義旅。義綱往為塩谷高貞所拘。帝以其久不返遂決意與源忠顯謀。夜偽稱嬪御徒步逃出。叩一民家問港所在。主人見而憫之。負帝至港。覓舟御焉。舟人亦知帝非常人。跪請所往。忠顯告以實。乃揚帆而南。天明清高放輕舸追及。舟人匿帝與忠顯於船底。覆以養魚而座其上。清高來索。舟人給曰。嚮京裝者二人乘船指因幡發矣。乃去。帝遂達名和港。忠顯登岸問土人豪族可倚者。荅以

名和長年奉帝

名和長高。忠顯乃踵其家。直入傳詔。長高舉族環甲迎帝。奉御座舟上山。移倉粟。因樹植柵。聚衆衛護。清高聞之。率兵二千來犯。我兵百五十騎擊而大敗之。射殺一將。賊八百騎乃來降。清高單舸遁去。帝召長高問其世系。對曰。臣具平親王之裔也。帝益歎美。乃授長高左衛門尉。兼伯耆守。賜名長年。子弟拜官。有差義綱。高貞率千餘騎至。兵勢大振。○兒嶋高德與父範長俱至。帝令高德從源忠顯攻六波羅。先是名和長

年子義高在賊軍圍金剛山至是聞長年應官軍乃脫歸亦從忠顯○赤松則村自起兵京師失鎮西之援六波羅賊將北條仲時等再發兵萬人攻則村則村連戰連勝遂長驅入京師新主及兩上皇避之於六波羅仲時等大出兵於七條廣則村戰不利乃退扼八幡山崎○源忠顯既發伯耆行收兵得三萬人遇但馬守護太田守延權恒良親王第六宮來會合兵軍峰堂當與赤松則村僧良忠等相會戮力而忠顯欲專

功獨進攻六波羅不克守延死之兒嶋高德名和義高留而力戰忠顯恇怯遂奉親王走男山

○北條高時遣名越高家足利高氏援六波羅

高氏遂叛高時初高氏源義兼六丁父憂高時世之孫

強起之赴笠置城陷而還至是適疾高時又促

之赴役高氏惡其虐使且家世以源氏胄胤為

北條氏所制常憤欲圖之終不果於是益欲伺

其釁遂宿志即力疾而起始有歸順之志其族

細川和氏等贊成之高氏乃決意叛高時其子

足利高氏歸順

六波羅平

千壽是為義詮亦潛逃。高氏往抵京師，即密遣使伯耆，請降帝救。許之高氏，又得新主密旨，欲犯行。在意持兩端，已而高家後至，與源忠顯、赤松則村戰于狐川中，箭死。高氏傍觀不援，行入丹波。聞高家敗死，乃屬官軍。高氏旗用白徽號重詔○高氏既歸，順沿道兵皆附之，凡五萬人。六波羅震駭，議曰：戰若不利，遷都鎌倉。徐發大兵，乃穿塹列柵，嚴其守備。官軍諸將多屬高氏，剋期並進。獨兒嶋高德、荻野朝忠不欲屬，由若狹路入高氏屯神祇官址。與源忠顯、赤松則村等合兵圍六波羅。賊兵三萬，大半吏胥，不習戰。北條仲時、時益等固守不下。忠顯恐金剛山賊兵解圍來救也，急攻之，不利。高氏以細川和氏計，闕圍一角，忠顯兵聯車數百輛，毀民家，載其材，縱火城門。賊兵逃亡相踵。仲時等奉新主兩上皇東走，土兵夾路亂射。時益中矢死。仲時尋自殺。糟谷宗秋以下從死者凡四百餘人。六波羅遂平，而金剛山之圍始解矣。○先是帝救源忠顯曰：兩院新

北條仲時北條時益竝伏誅

車駕發舟上山
新田義貞
鎌倉

主雖在賊中不宜敵讐視之賊平之後必謹護

衛勿有侵凌至是官軍擁新主兩上皇入京師

新主以劍璽益新諸寶器附龜山皇子守良親

王○帝聞京師克復欲還闕或議謂雖京師平

賊兵猶滿畿內况鎌倉蟠踞關東勢不可當宜

暫御此以視其變諸公卿皆然之帝不聽親筮

之吉乃車駕發舟上山名和長年帶劍侍右百

官扈從焉○新田義貞嚮還上野日會宗族子

弟謀誅北條高時先是高時聞足利高氏叛則

恐益發大兵徵糧於諸國次及新田氏邑催督

甚急義貞捕其吏梟首里門高時聞而大怒下

令擊義貞於是義貞拜讀護良親王令旨與弟

脇屋義助次郎率其族大館宗氏堀口貞滿等百

五十人進陣並懸野越後甲斐等諸源相繼來

會兵至二萬餘聲勢大振高時聞之不以為意

也乃發兵十一萬以北條泰家櫻田貞國等將

之前後來擊義貞累戰破之相摸人三浦義勝

大多和平率兵六千來屬義貞義貞以為先鋒

卷旗徐進敵相指以為義勝應募而至至則義
貞等繼進泰家軍驚敗我軍又擊賊一軍走之
兵皆入鎌倉時六波羅敗聞亦至矣內外失色
於是八州豪傑嚮應爭屬官軍義貞進至關戶
兵凡十二萬分為三軍自三道進鎌倉震駭高
時兵猶十餘萬以北條基時大佛貞直等將之
分拒三道大館宗氏攻極樂寺戰敗死之義貞
乃以精兵一萬夜從間道赴之敵大兵據險樹
柵列兵艦於海以備旁射義貞乃下馬免胄向

海禱潮退釋所佩金裝刀投之海中比曉潮退
數里兵艦皆隨而漂去義貞大喜勵兵而進諸
軍從之直入府中所在縱火適風烈烟焰漲天
府第悉焚官軍乘勢掩擊殺獲無算高時走詣
東勝寺先塋集諸將訣飲屬觴長崎高重高資之子
高重二醜傳之攝津道準刑部入道曰請獻下物乃
屠腹扶腸而死道準笑曰有此佳肴誰不可下
酒因滿酌盡半以傳諏訪直性而自殺直性及
長崎圓喜亦皆死高時乃自殺從死者凡六千

誅北條高時伏

八百餘人。誅叛臣自真鳥後至高時仲時時義

貞乃馳使奏捷行在。此義貞自起兵至此僅十五日矣。征夷大將

軍守邦親王薙髮尋薨自源賴朝開幕府至是

百四十餘年而鎌倉亡矣。賴朝三世攝家將軍二世親王將軍四世

鎌倉亡

天下之權始歸朝廷。

中井積德曰北條氏以智數權力竊國柄其險

謀譎詐雖多端緒要之以收人心為歸故薄稅

斂省凡費躬儉素賑貧窮似仁也八世之間爵

不踰五品官不出州牧皆率執臣節于幕府似

恭也北條氏不敢自尊大而威權所在諸將牧

守皆其等儕而爵位上之者其交際則翻有若

君臣者於是乎承久之役諸將無異志爭為效

死又有若泰時時賴雖未知上下之大節而實

有願治愛民之心是以人心益固至高時之無

道也自取滅亡豈緣失人心矣然則北條氏之

事始於得人心而終於失人心耳是故古昔聖

王明君唯人心之為可畏夫智數權力飾情假

仁苟得人心斯足以興也况至誠感孚于人心

而風動者乎。

車駕還關

車駕次兵庫時義貞捷書至上下大驩詔以義貞為左馬助脇屋義助為兵庫助賜使者爵楠正成自金剛山率兵迎謁帝勞之曰國家再造皆汝忠戰所致正成拜謝曰不藉陛下威靈臣安得展尺寸以脫重圍哉詔使正成前驅入京師○六月車駕還關時議者或言宜用重祚之禮左大臣藤原道平奏言陛下雖在外久然躬奉神器臣以為宜用巡狩還宮之儀帝從之既

慶關白

還宮去正慶號悉削新主所署官爵罷置關白特詔左大臣藤原道平右大臣藤原經忠參輔庶政○時大索賊餘黨詔以藤原師基為大宰帥討九州探題北條英時未發少貳貞經大友貞宗捷報至先是菊池武時政則之裔應教舉義與貞經貞宗謀討英時事頗泄貞宗等疑懼不應武時乃以百餘騎獨發過櫛田祠前馬俄不前武時曰何物牛鬼敢沮義兵注箭射祠馬輒前前攻英時於博多英時窘蹙將自殺會貞經貞

宗來救武時不利遂死至是貞經等聞京師克復則懼合議急攻殺英時○金剛山潰兵聚于南都猶數萬人謀犯京師救楠正成源定平討之阿曾時治大佛高直一階堂貞藤宇都宮公綱等六十人雍髮相率而降皆處斬獨公綱及貞藤以特旨宥死貞藤尋謀反遂見誅誅叛臣不違校舉故不復錄以下同○先是足利高氏子千壽聞新田義貞起兵往從之及高時伏誅義貞檢源氏故器得足利氏徽號重畫之旗細川和氏欲為高氏

足利高氏賜尊字改名尊氏
氏以護良親王為征夷大將軍

求之義貞不與也和氏乃大稱揚高氏得帝寵遇以搖將士將士稍稍去義貞歸千壽由是新田足利兩氏構隙矣而帝方寵高氏進從二位參議賜御諱尊字改名尊氏○以護良親王為征夷大將軍初尊氏之定京師也忌親王威名竊圖除之會親王將殿法印良忠不戢其下尊氏捕十餘人梟之親王素知尊氏有異心至是大怒亦謀誅之時近畿兵士爭歸親王京師懼其有變物情恟恟帝使參議藤原清忠坊門就宰相就

言曰天下既定汝盍削髮復舊親王答詔曰高時雖伏誅餘黨未殲宜備甲馬以防亂源且陛下之德微臣之謀以致有今日而尊氏攘竊以誇功蓋其志有不可測者不及其力微而除之復生一高時也望請天眷特借臣一員戎號爲陛下誅豎子消禍亂於未萌也帝不憚勉從之拜爲征夷大將軍而不許誅尊氏○召還尊良親王第一宮尊澄法親王第五宮中納言藤原藤房及僧文觀忠圓等大納言藤原師賢既薨於遷

置決斷所

所帝悼惜贈太政大臣○詔諸國休士率勸課農桑○置決斷所聽斷訟獄令權中納言藤原實世論軍功諸國將士聞之聚闕下爭獻功冊真偽雜糅實世不能決經旬月僅銓定二十餘人以多失當罷詔權中納言藤原藤房代之藤房驗覈虛實擬授略備而帝親行賞甚猥濫藤房稱病不朝乃代以民部卿藤原光經已而帝特以北條高時邑爲供御泰時邑賜護良親王大佛貞直邑給內侍廉子其餘分賜近習僧尼

綸旨翻覆

伎樂六十餘州無復遺地有司適有所論定內
 旨與朝議相牴牾至數人同爭一邑得食邑如
 故者亦旋被沒收時有綸旨翻覆之譏於是武
 人頓失勢憤怨還鄉里○護良親王罷征夷大
 將軍任兵部卿○天下既定帝欲鎮撫東陲以
 參議源顯家具平親王之裔為陸奧守顯家時年十七
 以其所學在朝章國典而不習於戎事吏務辭
 焉乃詔曰文武不可岐貴戚掌軍古之制也親
 書旗銘賜之顯家不得辭強就任欲請皇子藉

重乃奉義良親王即後村行國司赴任廢缺年

久至是始復舊制○帝猶慮高時殘黨窺鎌倉

以成良親王第八宮為上野大守出鎮鎌倉以左

馬頭足利直義為相模守輔之○十二月詔號

廢主曰太上天皇

青山延于曰孔子曰名不正則言不順言不順

則事不成量仁親王後伏見帝子既為帝儲貳方帝

之蒙塵則監國稱制固其宜也然帝未讓位太

子既為賊所立斥為閔位則帝之復位勢不得

不廢既已廢之則故親王也安可以尊號加之
哉名之不正莫斯之甚恢復之初庶績草創而
綱紀紊亂如此宜其再致播遷也

營大內

建武元年甲戌詔營大內以安藝周防租賦充其

始造楮幣

經費徵諸國地頭歲入二十分一時撥亂之餘
民力疲弊而盛興土木財用不給始造楮幣○

鑄新錢

鑄新錢文曰乾○二月立恒良親王為皇太子

太子帝第六子內侍廉子所生廉子美而巧慧
從幸隱岐亂平而還寵傾後宮無言不聽內謁

錄元功

漸行時諸皇子皆復故而廉子以護良親王有
大功意害之定利尊氏因深結之陰謀排陷焉
○帝錄元功以定利尊氏為首為武藏常陸下
總守護直義為遠江守護新田義貞為上野守
護其子義顯為越後守護弟脇屋義助為駿河
守護楠正成為攝津河內守護名和長年為因
幡伯耆守護赤松則村為播磨守護正成奏曰
元弘將士並被恩眷獨菊池武時死於王事不
及見今日之盛其忠豈可忘乎帝乃以菊池武

流護良親王
於鎌倉

重武時之子為肥後守護諸將皆設第於京師不復
 還國四方輻湊人物殷繁風華之盛近古未有
 也○囚護良親王尋流於鎌倉初親王不察足
 利尊氏圖已輒欲除尊氏多徵兵士尊氏得其
 檄誣以謀叛內侍廉子自傍贊之帝大怒託事
 召親王執之親王憤怨莫能自明乃上書曰臣
 以罪纍敢訴冤枉唯陛下憫察之臣夙憤武臣
 專恣釋法服被戎衣寧受世譏而為君父忘軀
 在廷臣子莫敢效力而臣獨張空拳以抗強敵

賊之耳目集於臣身購臣以萬戶臣晝伏夜行
 匿山谷踐雪霜殆死而復生者數焦思運籌遂
 得底誅夷之績而不圖獲罪於此仰將訴天日
 月弗照不孝之子俯將哭於地山川弗載無禮
 之臣父子義絕乾坤共棄臣不敢復有望於世
 也儻宥死刑削籍歸佛臣終身毋悔抑申生死
 而晉國亂扶蘇刑而秦世傾聖明盍延古以鑒
 今焉涕隕心慚不終所欲言書入莫敢奏達者
 從親王者二十餘人皆被誅赤梠則村亦禡其

護良親王幽于土窖

職尋附親王於鎌倉輔將足利直義直義穿窖于二階堂谷幽之縱一宮人侍焉○北條氏餘

黨本間名澁谷名作亂足利直義遣兵擊平之

○是時帝寢倦政耽於宴游事興作徵珍異權

中納言藤原藤房屢諫之不聽出雲守護塩谷

高貞獻千里馬帝出觀之以為祥瑞也藤房諫

曰天下無事何用天馬今內外憤怨一旦有事

警報必籍此馬安在其為祥瑞也願陛下不愛

異物留心仁政焉帝變色入藤房知不可復諫

遂舍官遁去帝大驚命父宣房使追之不及

林道春曰有文衡者說人曰微子去而殷墟范

增死而楚燔今藤房見幾而去天下殆乎岌岌

乎文衡其知人乎其後果有建武之亂

是歲置武者所以新田氏族為頭人以上野大

守成長親王為征夷大將軍置關東廂番以足

利氏族掌之○二年權中納言藤原公宗反初

公宗與北條氏有舊及高時滅匿泰家於家至

是謀逆事發伏誅○北條時行高時次子招聚黨故

誅藤原公宗伏

軍為征夷大將

以成長親王

足利直義殺護良親王

叛於信濃名越時兼應之兵五萬餘東攻鎌倉足利直義逆擊不利遂奉成良親王西走途謂淵邊義博曰時行不足患者惟護良是吾家深讐也汝爲我殺之義博馳還窺窖中親王方焚燭誦經見義博蹶起曰汝欲殺我耶前奪其刀義博乃斫膝踏之將馘親王縮頸嚼折其鋒義博更挺副刀害之年二十八義博提首將去曰猶不瞑斷鋒在口恐懼棄去侍婢收其屍而葬時行遂入鎌倉

安積信曰自古忠臣孝子不得其死者多矣而未有若護良親王之慘烈可哀也建武中興之業楠氏新田氏諸將竭力於戰鬪而發縱指示則在于親王謂之中興第一亦可矣縱令有大過猶當據周禮八議之法議親議功宥二死而優遇之况姦臣尊氏將圖不軌忌其威名賂寵姬譏之皆誣罔之言帝不悟遽幽囚之何耶人之大倫莫重於父子以萬乘之英王放大功之孝子當時朝廷百僚苟列疏直諫以明其誣罔

之寃則帝或當霽宸怒而袖手旁觀如秦人視越人之肥瘠何耶若不得已而幽之亦宜付之忠貞仁孝之臣使其保令終之美此之不慮而顧委之鬼域虎狼之直義遂爲所魚肉何耶

帝得直義敗聞詔足利尊氏討時行先是尊氏以功管領三大國意猶不嫌陰有異望至是自請任征夷將軍兼諸國追捕使不許尊氏怒不告而發諸武人失職者奮起從之至參河與直義合進擊時行破之遂入鎌倉已而帝遣使班

足利尊氏叛

師尊氏不奉詔○尊氏自稱征夷將軍關東管領開府于源賴朝故址奪新田義貞邑在關東者以分予將士將士又爭附焉帝始疑尊氏叛尊氏劾奏義貞且曰願得明詔以誅義貞義貞聞之亦收尊氏邑在其管內者乃上書自辨陳尊氏八大罪時西國得直義徵兵檄上之又會護良親王侍婢還京師具奏其遭害狀而尊氏反迹顯然於是帝震怒詔削奪尊氏直義官爵遂命討之○以中務卿尊良親王管領東國左

討足利尊氏

兵衛督新田義貞為副。陞授節刀。率兵六萬。自東海道。兵部少輔脇屋義助。肥後守菊池武重等從之。彈正尹忠房親王將兵五千。自東山道。權中納言藤原實世等從之。鎮守府將軍源顯家奉義良親王。發陸奥出羽兵。與諸軍會于鎌倉。同討尊氏。尊氏兵陣矢矧河。義貞精兵七千。常掄自攜。而篠塚伊賀。巨忠景新左衛門等十六騎。最驍悍。善擊。同其旗號。進退與俱。義貞軍河西。賊左右渡戰。且卻。終自中渡。義貞乃以精兵迫

擊破之。又戰于越河。復擊走之。○初。足利直義聞官軍來討。與諸將校皆戎裝入。見尊氏請逆。擊尊氏詐為不敢。抗上師作色而入。諸將愕眙。上杉憲房。細川和氏等皆曰。將軍所言非無理。然天下思亂。一為之首唱。則四方豪杰雲合景附矣。直義乃使諸將先發。至是戰敗。將士馳還。尊氏逃建長寺。又詐示削髮出降之狀。已切其髻。將士復大沮。直義等相謀偽作官檄曰。尊氏罪大縱遁。世歸佛。決不可宥。以示尊氏。曰。獲之。

箱根竹下之戰

敵死尸中尊氏乃曰事既至此吾亦當從諸君
與義貞決死耳釋法衣穿錦袍而起諸軍大喜
騶呼皆自切髻以擬尊氏賊將出降者皆來還
乃令直義扼箱根○義貞令義助奉尊良親王
向竹下而自攻箱根據高指揮菊池武重先驅
破賊追北陣山腹諸軍奮進直義殆不能支而
竹下兵七千人未戰尊氏以十八萬騎繼進官
軍敗績義助以手兵代之格鬪交退其子義治
式部年甫十三深入陷賊中義助以為戰沒直
大輔

赤松則村叛

進突賊軍義治見父來自賊中偽為還戰馳入
父軍賊騎從者二人乃目左右斬之義助大喜
欲召後軍更戰鹽谷高貞大友貞宗叛亂射官
軍官軍大潰義貞義助收餘兵退屯尾張○先
是細川定禪起兵讚岐應尊氏備前人飽浦信
胤田井信高越中守護普門利清等皆叛據各
地至是赤松則村久下時重爭起應賊京師震
駭帝遽徵拒賊者無復敢應者乃使人乘天馬
急召義貞未達天馬途斃○延元元年丙子足利

大渡之戰

尊氏躡官軍後西上招誘諸道兵入犯救左兵衛督新田義貞守大渡分諸將拒守山崎宇治勢多權大納言藤原師基守峰堂賊久下時重來攻師基敗走賊據老板兵部大輔江田行義擊走之而尊氏已將兵數十萬抵大渡義貞豫撤橋板截桁不殊樹柵水中賊遲疑未進官軍呼于岸曰水緩而淺公等盍來決死賊兵毀民家造筏以濟遇柵不進官軍亂射筏壞而溺者數百又呼于橋曰橋架可濟何用舟筏賊千餘

人爭進桁斷皆溺賊大沮會細川定禪以赤松範資則村為先鋒來攻山崎官軍不利僧文觀等兵多降賊義貞聞之馳援守將脇屋義助與俱引還定禪將兵尾之新田義顯返戰斷後度義貞已至關縱兵衝敵大友氏康宇都官公綱皆叛在賊中義顯奮戰潰圍往返數四被大創數十流血淋漓鎧袖皆斷還至紫宸殿庭帝親臨勞之○帝奉神器及二法皇避賊於叡山義貞義助等扈從焉尊氏乃入京師結城親光伴

帝避賊於叡山
結城親光欲
刺尊氏不成

降賊欲刺尊氏尊氏使大友貞宗受降貞宗進
曰請解鎧仗親光知其疑已挺刀斫之貞宗墮
馬死賊急圍親光親光奮戰而死○尊氏縱火
京師宮闕悉焚遣細川定禪據園城寺以逼叡
山會鎮守府將軍源顯家奉義良親王率陸奥
兵拔六角氏賴城報捷行在帝詔僧祐覺以舟
七百艘泛湖迎之新田義貞楠正成等因會議
戰顯家欲休馬而後戰大館氏明左馬助曰疲馬
休則益病不可輒用利在急擊義貞正成然之

園城寺之戰

即夜出兵唐崎黎明圍園城寺賊自門中叢槍
拒之巨忠景奪其十六槍烟時能舉足蹋門扉
倒之賊駭而退官軍逕入縱火斬首七千餘級
定禪走京師顯家回軍舟田經政長門守叩義貞
馬說曰兵利在乘勢賊既敗魄褫氣沮我宜躡
之義貞曰善即追擊連勝伏尸填谷賊走合於
尊氏軍尊氏軍充滿京師不知其幾千萬也義
貞謂衆寡懸絕不可無奇策乃選精兵二千卷
旗撤徽佯為定禪敗卒狀混入賊軍賊不覺義

足利尊氏欲
自刃者三

貞尊氏大戰六十餘合我軍皆捷以至日暮精
兵在賊軍者揚旗突起賊見其徽號中黑大驚
自相擊刺遂大潰奔官軍乘勝迫尊氏尊氏窘
蹙欲自刃者三官軍自桂河還定禪夜襲其不
意義貞敗走還行在尊氏復入京師○彈正尹
忠房親王權中納言藤原實世等帥兵二萬至
自東山道諸將又議戰夜下叡山陣日日楠正
成將五百騎軍糺林尊氏遣兵五萬來攻正成
聯猶自蔽以射卻之源顯家將一萬騎火栗田

楠正成蓄善
泣者

口而進尊氏自出戰于四條義貞義助建旗橫
擊之賊軍呼曰中黑至矣輒潰走義貞獨變服
入賊中索尊氏不獲乃引還猶欲留陣京中用
正成言退陣坂本○正成素蓄一卒善泣者門
平教其卒與僧數人行物色戰場賊恠問故輒
泣曰疇昔之戰新田楠諸將沒將獲尸葬之尊
氏聞而大喜乃索義貞正成首獲稍肖者梟之
其夜正成伺賊軍懈守備急襲擊之賊大潰而
尊氏西走遂復京師○尊氏赴兵庫召熊野道

車駕還闕

有者曰。吾之數敗。非戰之罪也。以我負賊名焉。爾吾意廢帝幽憤日久。因欲奉其詔旨。汝為吾謀之。吾將使兩主爭位。以成吾事也。道有諾而去。道有與廢主。臣僚相識者。○宇都宮公綱來降。源顯家新田義貞。楠正成。追擊尊氏。至兵庫。尊氏走鎮西。諸將士多降義貞。○尊氏至筑前。依少貳賴尚。菊池武敏。武重之弟。起兵。應官軍討尊氏。不克。○車駕還闕。詔進義貞左近衛中將。義助右衛門佐。○時鎮西悉附尊氏。而中國南海播磨備前等。

將士亦並起。應之。賊勢復大振。○以義良親王。

為陸奧太守。源顯家為鎮守府大將軍。與結城。

宗廣奉以歸鎮。親王任陸奧。太守始于此。○成良親王罷征。

夷大將軍。○初尊氏之西走也。楠正成欲窮追。

之。而新田義貞奸。內眷愛遷延失機。義貞妻藤原氏行房。

女弟初入宮。為勾當內侍。有殊色。義貞嘗夜直。見其月下彈箏。心竊悅之。贈和歌。道其情。不報。及車駕還闕。帝賜以掌侍。義貞繼繼溺愛。於是失一大機會。使尊氏得逸。以是議者憾焉。於是

詔義貞管領山陽山陰十六國。討尊氏。會有疾。

遣江田行義。大館氏明先發擊赤松則村。兵敗。

赤松則村詐請降

之義貞疾愈繼發至斑鳩驛將攻則村白旗城
城壁未成則村詐請降義貞信之馳使以聞往
返旬餘詔至而壁成則村還詔書報曰何復用
翻覆之綸旨義貞怒合軍圍之城固不拔乃遣
脇屋義助攻石橋和義於船坂○四月本院崩
後伏見帝壽四十九火葬藏御骨法華堂○尊氏勢益強熾播
磨以西皆既應之獨兒嶋高德以孤軍倡義脇
屋義助用其謀夾擊船坂與約期先期一日高
德與父範長倉卒聚兵未及聚族人上熊山陣

船坂賊兵七道來攻高德防戰被重傷而終奮
擊走賊兵義助率軍銜枚自間道出敵背後賊
顧而驚擾義助遂拔船坂又遣將據福山城徇
下美作諸城高德欲合於義助踰山而東創劇
範長託之僧寺以八十餘騎東走先是尊氏欲
得兒嶋氏百方招之範長毀其書投火終不應
至是志益固與赤松則村兵戰大敗悔其不率
族來入傍佛舍遂自殺○尊氏得廢主宣言悅
曰吾兵始有名矣乃揭錦旗大舉東上自率兵

節 兒嶋範長死

艦七千餘艘。使弟直義率陸軍二十萬人攻陷福山。脇屋義助告急。新田義貞。義貞答曰。賊海陸並進。若欲捍陸軍。則恐海軍直入犯關矣。吾欲退屯攝津。合捍兩軍。於是解白旗之圍。還陣兵庫。士卒逃者過半。馳驛以聞。朝廷震駭。乃命河內守楠正成行援。義貞正成進策不省。乃率兵至兵庫。義貞迎問曰。朝議如何。曰。吾欲召還公。奉駕叡山。不聽也。義貞曰。以羸卒當銳師。吾知其不能克。然去歲東征不捷。今復西征。未拔一城人。其謂我何。吾故欲決死。一戰正成曰。進退之機。良將知之。公且徐計之。且前滅高時。後走尊氏。皆公之英略。孰敢間然。義貞色解。訣飲終夜。旦日賊艦七千蔽海而至。直義兵二十萬人。來自須磨。正成陣于湊川。以當陸軍。義貞陣于和田崎。以捍海軍。相持未戰。○義貞騎士本間資氏孫四郎絳鎧黃馬。按轡岸上。呼曰。舟中得無載妓置酒乎。請進下物。執弓注箭。適有鸚攬魚而擧。乃馳而射之。斷其隻翼。墮賊舟中。兩軍

本間資氏射鸚

湊川之役

謹呼賊呼而問名答曰請觀此箭乃復射箭貫
 船舷賊取而觀之名彫其箭傳觀震城資氏揚
 扇呼請返射賊乃射箭不達而墜官軍齊笑射
 者佐佐木顯信慚憤麾兵上岸義助擊斃之○左衛
 門尉檢非違使兼河內守楠正成與賊戰湊川
 死之初正成奏曰尊氏新舉九國而來其衆如
 雲官軍傷殘寡弱何以當之其敗必矣為今計
 者陛下復幸叡山以避其銳召還義貞而臣入
 河內以畿內之兵斷水路待賊糧竭兵散前後

夾而攻之可一戰而破也義貞之計必與臣同
 顧慮人言耳戰道非一要歸於勝願陛下熟計
 之參議藤原清忠不可曰鑿輿輕動於內恐挫
 天威賊軍衆盛宜防之外也帝從之正成知不
 可復抗議乃率其子弟西至櫻井驛遣歸子正
 行於河內誠之曰吾見汝惟有今日即至明日
 吾不復見汝也汝聞吾已戰死矣則天下盡歸
 足利氏可知也慎勿計較禍福惜死貪生以廢
 乃父之志必也闔族殉國然後已汝所以報我

莫大於此。因以帝所嘗賜菊作刀。授之訣別。正
行揮淚而去。時年十一矣。至是正成所率手兵
僅七百騎。以當直義兵二十萬。而賊後隊六千
艘已上兵庫。正成謂弟正季曰。我前後皆賊。不
可遁也。先破直義。而後接尊氏如何。正季曰。然
於是兄弟竝突入陸軍。縱橫奔擊。意在獲直義。
殆獲之。而直義逸。會尊氏來援。正成兄弟回馬
擊之。戰十六合。盡亡其騎。乃走入湊川民舍。座
解甲。身被十一創。謂正季曰。卿死何願。曰。願七

楠正成兄弟
及菊池武吉
戰死

生人間。以滅此賊。正成欣然曰。止合吾意。耦刺
而死。正成年四十三。宗族十六人。從士五十餘
人。悉死之。菊池武吉武重之弟。在義貞軍。適來視戰
狀。正成已死。不忍生還。亦自殺。元錄五年。權中
納言源光國立
石于湊川。題曰。嗚呼忠臣楠氏之墓。

史論曰。正成之用兵。決機制勝。髣髴孫吳。而忠
勇壯烈。殆與唐張巡相似也。巡出雍丘。守睢陽。
正成去赤阪。據千劍破。皆嬰狐墉。雙賊喉。牙韓
愈。所謂以千百就盡之卒。戰百萬日滋之師者。

也。以寡擊衆，出奇無窮。至如萊人誘敵，其緒餘耳。巡城陷而死，正成奉迎鸞輿，首蒙推獎。斯則爲異而廟謨不滅，元兇接踵，主驕臣諛，不用老成持重之計，自壞萬里長城，以成強敵之勢，中興之業自此去，可勝歎哉。涿川之戰，正成將自殺，聞正季欲託生滅敵之語，含笑入地。其視巡之臨死，誓爲厲鬼以殺賊，又何相似也。此其忠義之心，窮天地，亘萬古而不可泯，身雖死而其不死者固自若也。

山縣禎曰：尊氏之西走也，正成欲乘破竹之勢，急追擊之，是不可失之機會也。而義貞弗從，一失機會，遂使尊氏兵勢再振矣。其大舉東犯也，正成欲避其銳，待疲困而一舉殲之，而帝弗從，復失策矣。正成於是乎決死而出，知事之不可復爲也。正成忠勇謀畧，一世固無倫。嗚呼！使此人死，天下之事斷然可知矣。

賊海陸合軍，兵凡五十萬，以躡義貞。義貞見細川定禪旗幟，曰：「是小敵耳。」乃回軍背生田森而

小山田高家
戰死

京師復陷

陣迎戰終不利退尊氏急追之義貞自殿返擊
數四馬殞而徒登丘待救賊爭圍之義貞揮二
刀騰身盤舞箭皆迎刀而斷小山田高家太郎馳
至授其馬而雷死初高家從軍刈民麥法當斬
義貞知其由芻糧竭曰吾罪也乃為償田主而
賜粟於高家高家感激故死之義貞得間脫帥
餘眾還京師上下失色帝復奉神器幸叡山法
皇廢主稱疾不從尊氏遂陷京師○尊氏據東
寺為城迎法皇廢主遣高師重等犯行在義貞

源忠顯藤原
雅忠並戰死

本間資氏相
馬忠重射賊

義助拒東坂中將源忠顯少將藤原雅忠守西
坂恃險不設備遂為賊所破皆死之義貞率紀
清兩黨赴援大破之賊潰而墜谷死者數千人
因屯大嶽賊又攻東坂義助擊卻之本間資氏
相馬忠重四郎左衛門在義貞側下瞰賊仰登而笑
曰吾輩一射卻賊下百餘步資氏射一賊貫其
甲忠重又射一賊穿其冑皆斃賊不敢前二人
應官軍曰敵將薄矣為吾立的吾將試射官軍
植畫月扇一人射之雙箭夾月而中各如所期

名和長年戰死

乃呼於敵曰。卿等受吾箭。試甲堅脆。賊益懼。不戰而卻。初約兩坂有急。各撞鐘相報。一日有群猿撞鐘。諸軍以為敵至。爭集東坂。賊望見而駭。擾因下擊。大破之。生擒高師重。斬梟其首。賊遂四散。○義貞進兵攻東寺。不利。伯耆守名和長年死之初。長年在軍。見者指長年曰。正成忠顯等既死。獨有此人。長年慨然以為今日不利。吾必死矣。及戰敗。潰圍而退。遂力戰死。○前權大納言藤原師基率北國兵三千入援官軍。又振

紅笠識

將再攻尊氏。分兵為二。義貞從內野。師基從河原。縱火入京。有叛者謀泄。尊氏豫為備。分兵遮擊。官軍復敗。還。帝乃賜邑叡山。僧徒以獎激之。令招南都南都。輒應之。近畿兵士相踵輸款。乃遣諸將。四塞糧道。賊軍大困。義貞於是約諸將。剋期齊攻。帝親臨勞軍。剪所御紅裳。以頒賜將士。眾皆感激。以綴笠為識。義貞奏曰。勝敗天也。非臣之所逆料。但臣今日不向賊發一箭者。必不生還矣。乃帥一萬騎。行破賊軍。遂抵東寺。執

弓注箭呼尊氏曰天下大亂生靈塗炭雖由皇
 統之爭抑亦以吾二人而已與其苦萬民寧各
 單騎決戰請試受一箭乃射箭軼門樓著尊氏
 帳中柱尊氏奮起曰吾固非抗官家唯欲與義
 貞決耳將出戰上杉重能固止之時賊兵四至
 萃於義貞義貞馳突而出賊復雲合射中義貞
 額流血被面義貞決死力戰紅笠識者八百騎
 來救之擁義貞潰圍而去○八月尊氏立豐仁
 親王後伏見稱帝于京師號用建武是為光明

院帝並立尊氏又據承久故事○帝自幸叡山兵二十萬取

足利尊氏降

堀口貞滿攀西駕之轅

給於僧徒食邑至是尊氏斷東北餉道脇屋義
 助數爭之不克官軍大困○尊氏上書佯降請
 邀車駕帝許之義貞得左衛門督藤原實世報
 未信時美濃守堀口貞滿在座曰請往訶焉馳
 至行在則乘輿方駕矣貞滿攀轅泣曰今日之
 舉義貞未知而儀衛已辨陛下何為捨棄義貞
 而回聖眷於叛賊耶元弘之亂義貞奉辭伐罪
 剪誅鯨鯢以寧皇室雖古忠臣恐不能過自尊

氏叛所在征戰摧鋒陷陣屢冒萬死宗黨死義者八千餘人戰如此其力而賊如彼其熾者蓋聖德有所闕耳非戰之罪也若西駕之轅竟不可還乎則請召義貞以下五十餘人悉賜死御前然後發辭氣憤烈帝憮然已而義貞義助帥三千人來謁色愠而禮恭帝進義貞兄弟慰勞之日諭以權講和議以待時遂使其奉皇太子恒良及尊良親王經略北陸道義貞拜辭而發舉族及土居通治得能通言等從焉車駕還京

新田義貞奉皇太子及尊良親王北發

足利尊氏幽帝

師尊氏幽帝於華山院悉奪從駕朝臣大館氏明菊池武重等官爵殺本間資氏以報兵庫之役○義貞既奉皇太子至近江塩津兵凡七千騎聞賊將足利高經以大兵斷路轉由木芽嶺行會大雪將士露宿攢弓箭燎之相抱取煖得能通言與族通繩以三百人殿迷失路適值賊兵衆凍不能戰皆植刀於地伏之而死義貞進至敦賀氣比氏治迎入金崎城○義貞遣義顯於越後義助於杣山聚諸國兵杣山城主瓜生

得能通言等死節

新田義助張疑兵

保弟僧義鑑來謁約勸其兄歸順候時而起義助乃託其子義治而引兵還金崎兵途逃亡所餘僅十六騎而聞高經以二萬騎圍金崎欲衝圍入城衆難之以栗生顯友策衆皆解幘帶挂之樹杪爲旗幟狀以張疑兵乘曉擣敵陣呼曰杵山援兵至矣敵驚擾義貞因出擊走之納義助義顯○金崎二面枕海一面靠山於是義貞奉皇太子及親王於船觀雪置酒奏樂義貞吹笛以慰藉之有魚跳入船藤原實世以爲祥衆

傳偽器於新主

楠正行舉義赴吉野

盡歡而罷○尊氏聞金崎兵潰大怒遣高師泰等大舉來攻城兵投鉅石拒戰日斃千餘人○尊氏迫請傳神器於新主以偽器授之○帝之幽於華山院也獨三條景繁刑部大輔侍焉密進計逃幸吉野於是帝夜服婦人衣踰頰垣出景繁扶帝御馬擔神器從夜方黑會赤電照路比曉達宬生吉野山僧來迎楠正行和出正朝次郎等馳赴之護駕入吉野近畿將士相踵來衛官軍復振初楠正成之死尊氏送其首於河內一家

帝幸吉野判為南北朝

聚哭正行執菊作刀將自殺母止之曰汝父雷
 汝豈使汝殉父也遺命在耳何遽忘之正行大
 悟自是以討國賊復父讐為志常與兒童嬉戲
 動輒曰追足利焉斬尊氏焉及迎帝帝深依賴
 詔襲父官任檢非違使左衛門尉兼河內守於
 是建行宮於吉野改元曰延元先是源親房與
 子弟逃在伊勢潛謀恢復至是馳赴行宮天下
 稱吉野曰南朝京師曰北朝天武帝以後兩王爭位至是第六回
 山縣禎曰或謂吾邦南北各立朝廷皆神武天

皇之系統固無所輕重不可以正閏真偽論矣
 余以為不然夫尊氏者逆賊也光明帝者尊氏
 之所立也尊氏忌逆賊之名於是奉皇子稱帝
 挾之以令天下也然後醍醐帝擁神器儼然猶
 存則是真天子矣此直則彼為偽可知也既而
 尊氏逼帝請傳神器于新主帝乃造偽器授之
 躬奉真器而南則南真而北為偽亦可知也且
 逆賊迭起各奉皇子皇孫而稱帝皆以正統自
 處則是大亂之道也天下分爭何以定哉夫君

者治亂而歸正者也天下立君以生亂焉用君耶故君必一而後天下定矣夫天無二日地無二王古今之通義也故以此爲正則彼不得不爲僞也南朝雖微承神器於祖宗爲天下之主久矣北朝雖強其實逆賊之所立而足利氏挾之令天下者也號令征伐固自足利氏出北帝乃贅旒而已故有足利氏則有北帝無足利氏則無北朝如之何得以正統處之哉且逆賊之所立而以正統與之則何以垂訓於萬世懲亂

賊于將來耶或說之非斷然可知矣

巨忠景齊詔書
泗海

帝遣巨忠景賜詔書義貞令以攻京師時金崎受圍內外斷絕城兵望見海上忽有人泅者漸來向城至則忠景也取詔書於髻中進之城中始知帝幸吉野人人奮躍○先是新主以帝第七子成良親王爲太子至是尊氏幽太子○二年北朝建武四年杣山城主瓜生保等推里見時成爲將率兵五千來救金崎高師泰以五萬騎逆戰官軍敗走時成保義鑑皆死之○義貞義助潛

瓜生保等戰死

丁巳

巳

卷之二十一

五十

高宗建武反

金崎城陷

尊成親王新田義顯自刃

出金崎赴杣山謀募援兵夾攻未至金崎城中糧盡食馬亦盡無可復食者賊偵知之急來攻城城兵飢羸不能戰由良具滋等割死尸相共食之力拒前門新田義顯義貞之長子命氣比齊時氏治之子脫皇太子義顯與尊良親王皆自刃初親王不知自刃之方義顯先刎腹奉刀於親王而伏親王取刀血滑不可握捲以衣袖遂薨藤原行房氣比氏治等殉之齊時有膂力舟載太子無楫櫓泅而牽之至蕪木浦託土人使奉之

土居通治等戰死

杣山而歸求父屍自頸於其傍土居通治戰於後門自殺具滋等謂事畢矣乃衝陣而死凡城兵八百降者十二人而已其餘悉死○皇太子匿蕪木浦浦人叛報賊賊執太子押送之於尊氏○先是宗良親王走遠江起兵懷良親王亦走在吉野帝因拜親王為征西將軍赴菊池以菊池武重既走據本土也大館氏明亦走伊豫江田行義走丹波金谷經氏走播磨至是竝起兵宇都宮公綱至行宮北條時行馳使奏請討

源顯家入援

尊氏贖父罪詔許之。○鎮守府將軍源顯家應召奉義良親王入援。與足利義詮兵戰于利根河。破之。新田義興義貞之次子發上野。北條時行發伊豆。皆會顯家共進。逼鎌倉。鎌倉兵懼欲遁。義詮時年十一。叱諸將曰。勝敗兵之常也。若怖敵。不若不將我兵。雖寡猶可。一戰待官軍西上。而夾擊之耳。諸將皆奮。顯家等又破之。賊擁義詮逃。○二年北朝曆應元年源顯家與宗良親王合軍西至美濃。與賊將土岐賴遠。桃井直常等戰于青

野原。破之。○尊氏議欲拒顯家於宇治。勢多高。師泰曰。自古未有拒於此而克者也。何者。攻者奮揚於外。守者迫蹙於內。也不若邀擊之。畿外尊氏從之。乃令師泰率兵萬人赴美濃。顯家避之。轉至伊勢。師泰尾擊顯家。破之。雲津川。○顯家將詣行宮。結城宗廣曰。避敵於行宮。恐非勇。請攘賊於王城。決死一戰。顯家從之。尊氏大懼。令桃井直常拒之。般若坂。顯家兵遠來已疲。戰不利。走。使義良親王赴行宮。○初。顯家之赴伊

足利尊氏弑
皇太子及成
良親王

勢議者惜其不赴北國。與新田義貞合。義貞方
與足利高經相持。脇屋義助以積雪稍釋。欲益
築城。斷賊援路。率百餘騎。相地於鯖江。賊偵知。
來襲。義助擊走之。義貞來援。遂擊高經。破之。高
經走保。足羽。義貞因據國府。○四月。尊氏酖弑
皇太子及成良親王。初。皇太子之被執。賊問義
貞兄弟所在。太子懼。賊急攻。杣山。給曰。昨已死
矣。其兵火之賊。乃傳義顯首。而不問義貞。至是
尊氏聞。義貞猶在也。怒曰。太子給我。遂進。築親

源顯家薨

男山之役

王與太子同室。幽閉。與飲之。而薨。○源顯家軍
天王寺。賊將高師直。慮顯家之與楠氏合也。急
率勁兵來攻。顯家逆擊克之。既而再戰。大敗。走
過安部野。中流矢而薨。○少將源顯信顯家弟與
新田義興等。據男山。與賊將桃井直常相持。至
是。師直轉兵助直常。顯信善拒。出戰。不利。賊縱
火登城。城兵擊走之。於是帝手詔。諭義貞。援男
山。義貞謂源平二氏。未有賜手詔者。因感奮。欲
直赴援。兒嶋高德在軍中。建策。留兵通北國糧。

藤嶋之役

道又諭叡山僧徒歸順以固根帶乃以兵二萬附義助入京師尊氏聞之召還師直師直急攻男山放火燒城官軍資糧蕩盡不復能守顯信棄守走河內義助至敦賀聞之引還時新田義興自男山詣行官帝見而器之義興初名德壽帝改賜今名授左兵衛佐○左近衛中將新田義貞與賊戰于藤嶋死之初義貞攻足利高經足羽城平泉寺僧徒應高經修藤嶋以下七寨守之義貞兵二萬分爲七隊以當七寨賊兵擾

新田義貞戰死

亂官軍疾攻不能拔義貞望見危之遽以五十騎赴之路遇高經援兵三百賊蔽盾亂射矢下如雨義貞兵無盾以身翼蔽義貞義貞將進中野宗昌諫之曰不鈞之弩不爲麟鼠發機義貞曰矢上而獨免非吾志也徑馳踰塹馬中矢僵深淖中義貞欲起飛矢中其額乃自刎而死年三十八宗昌亦自殺從士皆殲賊獲義貞首未知其爲何人高經熟視曰此蓋左中將也顧左眉之間當有箭瘢命洗面果有瘢鏡中藏錦囊

書辭曰討賊之役朕一煩卿即帝手詔始知其爲義貞也義貞妻藤原氏從軍北國聞敗大慟潛歸京師及尊氏梟義貞首藤原氏削髮遂匿西山終身云

史論曰忠義之維持世教大矣新田義貞以源氏之胄役于北條氏一旦幡然改圖欲安王室義旗所嚮若疾風掃稿葉何其易也及與足利尊氏構難攻城野戰互有勝負而竟不免收劍何其難也蓋由政刑日紊人心思亂尊氏乘之

逞其詐力也禁門不守乘輿再幸叡岳尊氏納款請還駕帝亦心知墮其姦計而勢不能回輿替之機方決于此而帝面諭義貞獎其忠義託以皇太子賴有此舉耳義貞匡復之志不少懈弛誓天地以爲心質鬼神而無疑不幸勢去時不利智勇俱困繼之以死其子姪皆能枕戈嘗膽屢興勤王之師而卒歸摧殘流亡豈非天哉至其義氣貞烈則雖屈於當時而能伸於後世觀其與足利氏爭雄兩家曲直赫然在人耳目

雖愚夫愚婦亦能知新田氏之爲忠臣寧爲此而不爲彼亦足使人辨邪正決取舍而知嚮義矣其所關係豈鮮少哉

義貞既死官軍日衰前上野介結城宗廣奏按陸奧地殆敵海內之半其兵可得四五十萬請及亡臣顯家餘威未盡收爲恢復用帝從之以源顯信爲鎮守府將軍奉義良親王往鎮焉宗廣及前大納言源親房從之救左兵衛佐新田義興左馬權頭北條時行奉宗良親王經略關

結城宗廣自
殺

東以陸路方便諸軍至伊勢航海已而遇颶風舟四散義良親王與顯信至篠嶋親房至常陸宗良親王與時行至遠江今川範氏出拒親王擊破之義興至武藏匿上野宗廣至安濃津適嬰病自知不能起乃伏刀而卒按時行後○四年北朝曆義良親王還京師○八月帝不豫立義良親王爲皇太子尋而禪位帝疾大漸以國賊未平爲憾遺詔圖恢復慷慨按劍以崩壽五

十一

葬吉野山麓藏王堂○按天子崩於行宮者仲哀帝後以帝爲始

明治新刻
日本政記卷之十二

